


ՀՈՒՆԻԵՏ ՄԱՏԻՆՅԱՆ

ԶԼՈՐՈՒՄ
ՈՒ
ՏՂԱՆ

ՄԻՆ AP
Մ-33






„ՀԱՅԱՍՏԱՆ“ ՀՐԱՏԱՐԱՆՔԱՅԻՆ ԹՅՈՒՆ ԵՐԵՎԱՆ 1973

Ар 2

U 98



71.264

U $\frac{0763-(361)}{701(01)-73}$ -- 223-73 «S»

ДЖУЛИЕТ АВЕТИКОВНА МАТИНЯН

ГЛОБУС И МАЛЬЧИК

(На армянском языке)

Издательство «Айастан»

Ереван, 1973 г.

ԳԼՈՐՈՒՍԸ

— Բարեւ, տղա՛ :

— Բարեւ, Գլորիուս, իմ անունն Արամ է :

— Անունները կարևոր չեն, կարևորն այն է, որ անուն
թողնես :

* * *

Այստեղ խոսվելու է արևի, Զրաշուշանի, «արվեստագետ
Բենոյի», ցորենի արտի, կոմբայնի, վիճակամեջի փոքրիկների,
Նասայայի, հենակների, ճամփորդելու, շուկայի թանկ ու
էժանի, կորած թալիսմանի, բուկլից անուն, համբերության,
ծաղկող Թորիկի, Ֆանտոմասի և վերջին դանգերի մասին :

* * *

Երազում Գլորիուսը գլորվում է՝ տղան վազում է բռնելու :
ԱՐԱՄ — Մայրի՛կ...

— Ի՞նչ, Արամ :

ԱՐԱՄ — Պայթեցինք :

— Զեմ լսում :

ԱՐԱՄ — Ասում է՝ ես ու Գլոբուսը պայթեցինք:

— Քեի՞ր, այլօր կիրակի է:

ԱՐԱՄ — Ես պայթած-պայթած քնել չեմ կարող:

— Ամբողջ օրն ինձ պայթեցնում են քո պատճառով:

* * *

Այս հին գլոբուսը մորաքույր Աստղիկն էր դպրոցից բերել, նրանով պետք է շրջեմ աշխարհը: Ականջս հպում եմ և մատով տկտկացնում գիտուն գլխին:

ԳԼՈԲՈՒՍ — Ի՞նչ ես տկտկացնում:

— Ուզում եմ ինչ-որ բան որոշել:

ԳԼՈԲՈՒՍ — Որոշեցի՞ր...

— Որոշեցի չտկտկացնել:

Պատում եմ գլոբուսը.

— Ուշադրություն, ուշադրություն, խոսում է Գլոբուսի գյուղական կայանը, նա նորություն չի ասելու, որովհետև ինչ կա աշխարհում, հին է: Այնքան հին, որ վաղուց շատ անգամ ասվել է:

ՊԱՏՄՈՒԹՅՈՒՆ ԱՌԱՋԻՆ

ՄԵՆՔ ԳՅՈՒՂՈՒՄ

ԵՍ — Հավիկ ջան, շատ եմ ձու սիրում, իսկ շուկայում թանկ է: Բռլոր մարդիկ գիտեն օրական ինչքան են ուտում, իսկ դու չգիտես, ինչքան տան՝ կուտես, անխելք-անկուշտ ես: Մայ-

րիկն ասում է՝ քեզ
նման շատ հավերկան
աշխարհում, կուտ
ուտում են, իսկ ձու
չեն ածում: Այդպիսի
հավերկն պետք է
մորթել:

ՄԱՅՐՍ — Արամ, արի
այստեղ:

ԵՍ — Մամ, փիսիկին
կաթ տամ, կգամ:
Կերա՞ր, փխռ ջան,
այ այդպես, դու լավ
կատու ես: Տես, ա-
մեն ինչ պետք է փը-
ռել, որ շորանա: Աշ-
խարհում չպետք է ոչ
մի թաց շոր մնա,
գնամ մայրիկին օգ-
նեմ:

ՆՈՒՆՈՒՇ — Արամ, ա-
րի խաղանք:

— Ի՞նչ խաղանք,
քարկտիկ չեմ ուզում:
ՆՈՒՆՈՒՇ — Արև-ա-
րև:

— Ես այդ խաղը
չգիտեմ:



ՆՈՒՆՈՒՇ — Նստիր գետնին, ձեռքերդ դիր աչքերիդ, վերև նայիր, կարմիր բան չե՞ս տեսնում:

— Զէ:

ՆՈՒՆՈՒՇ — Մի սեղմիր:

— Ոչինչ չի երևում:

ՆՈՒՆՈՒՇ — Զէ, պետք է երևա, ես տեսնում եմ:

— Ի՞նչ ես տեսնում:

ՆՈՒՆՈՒՇ — Իմ մայրիկին:

— Քո մայրիկը չէ, իմ մայրիկն է:

ՆՈՒՆՈՒՇ — Սոսո է, արևի վրա ոչ մի մայրիկ էլ չկա:

— Կա:

ՆՈՒՆՈՒՇ — Զկա:

— Դե որ չկա, ստացիր:

ՄԱՅՐՍ — Քանի անգամ եմ ասել...

— Ինքը ճանկռեց, հետո էլ ասում է, թե արևի մեջ իր մայրն է երևում, միայն իրենը:

ՆՈՒՆՈՒՇ — Սոսո է ասում, մորաքույր, շատ վատ տղա է:

ՄԱՅՐՍ — Մի օր, երբ աշխարհում տարբեր առիթով վիրավորել են միմյանց, արևը մարդկանց կանչել է՝ «Զեր մայրը հողմն է, ձեր հայրը՝ ես: Եղբայրները չսիրո՞ւ կռվեն»: Մարդիկ ամաչել, գնացել են:

Անցել է ժամանակ, արևի խորհուրդը մոռացած՝ նոր մարդիկ նորից սկսել են վեճ ու կռիվ: Արևը չի սիրում այդպիսիներին:

ԵՍ — Մամ, աշխարհն է՞լ է արևի պես...

ՄԱՅՐՍ — Զէ, սղա՛ս, չէ՛:

ՆՈՒՆՈՒՇ — Փռե՛-վու՛ս, ես գնացր եմ, գնում եմ արևի մոտ:

ԱՐԱՄ — Մենք մի ժամանակ շատ փոքր էինք, և քարկտիկից այն կողմ չէինք անցնում:

ԳՂՈՐՈՒՍ — Բոլորն էլ մի սահման ունեն, որից այն կողմ չեն անցնում:

Հետո, երբ նունուշը զնացք խաղալով զնաց արևի մոտ, նրան փոխարինեց Շուշանը, որովհետև մենք քաղաք եկանք:

ՊԱՏՄՈՒԹՅՈՒՆ ԵՐԿՐՈՐԴ

ՇՈՒՇԱՆՐ

Ես մտածում եմ բոլոր մեծ ու փոքր աղջիկների մասին, որոնք ընկեր ունեն և՛րամ անունով, կամ, որոնք ընդհանրապես ընկեր չունեն:

Ես մտածում եմ ծաղիկների մասին, որոնք նման են աղջիկներին:

— Այո՛ւմ, — հանկարծ հարցնում եմ, — ես նմա՞ն եմ ծաղկին:

— Զէ՛ մի, դու փշեր ունես, ով մոտենա քեզ շոյելու, կարյունոտես, դու չար ես, դու քար ես, — հանգավորված քաշում է հյուսքերս, — դու աշխարհի ամենալավ աղջիկն ես, քո անունը Զրաշուշան է:

— Իմ անունը Շուշան է:

— Միևնույն է, դու Զրաշուշան ես, — եզրափակում է նա հաշտվող տոնով ու բացում «ԱՅՐԱՅՆԱՐԱՆԷ»:



Ես սկսում եմ մտածել ջրաշուշանի մասին. նուրբ է, մի-
այն մի կլոր տերև, կողքը քիչ կտրած, միայն մեկ ծաղիկ ու-
նի քնքուշ ու հոտալետ: Ասում են՝ նրա ծաղիկները շորս օր
բացվում, փակվում են ու իջնում ջրի մեջ սերմ տալու: Նա
միայն ճերմակ է:

Մինչ ես միտք եմ անում ջրաշուշանի մասին, Արամը
կարդում է «ԱՅՐԲԵՆԱՐԱՆԸ»: Մայրիկը գնացել է խանութ,

ևս գրեւ եմ տնային «Կ-ն»։ Արամն ու ես դպրոցում նստում ենք նույն նստարանին, նա ուսուցչուհուց գաղտնի ձգում է իմ հյուսքերը։

— Քայց դու մի բան չգիտես, ամենակարևորը, — ասում եմ Արամին։

— Ի՞նչ։

— Դու չգիտես փշոտ ծաղիկների մասին, — ես ցույց եմ տալիս սենյակի անկյունը, կակտուս, հալվե ծաղիկները, որոնք սրերի պէս ցցել են իրենց փշերը։

— Էդ ո՞նց չգիտեմ։

— Նրանք են շար, իսկական շարերը նրանք են, ծաղկի մեջ աղբիկ կա, աչքերը ծովի պէս կապույտ։

— Ուրեմն սրանք քո գիտեցած ծաղիկները չեն, — եզրափակում է նա մեծավարի։ Ծա նայում եմ ծաղիկներին և ուզում եմ հեռանալ Արամենց տնից։

— Մի գնա, Շուշան։

— Չեմ ուզում։

— Դե լավ, մնա, մինչև մայրիկը գա։

— Չեմ կարող։

Ուզում եմ ասել, որ ինքն էլ մի փուշ է։

Գնում եմ, որովհետև սրերի պէս ցցված իրենց փշերով ինձ ամենևին դուր չեն գալիս կակտուսն ու հալվեն։ Չգիտեմ, եթե վաղը նստենք նստարանին, ես կարո՞ղ եմ Արամին ասել այդ։ Եվ ընդհանրապէս ասել պե՞տք է։ Վաղը վերջին օրն է, գալիս է ձմեռային արձակուրդը, իսկ հետո կտեսնենք։

Մայրիկը գալիս է, ես թաքցնում եմ արտասված աչքերս։

— Ուզում եմ ջրաշուշան տեսնել, — աղաչում եմ՝ պոկ չգալով հագուստներից։

— Կտեանես, — զարմացած իմ խոսակու տոնից, պատաս-
խանում է մայրիկը, — ամառը դա, կտեսնես:

Անցնում է հոռւաւարյան արձակուրդը, անցնում է և տարվա
մյուս կեսը հնի պես: Մենք վերջացնում ենք «Այրբենարանը»
և «Ընթերցարանը»:

Գալիս են ամառային արձակուրդները:

— ...

Արամը գլուղ է դնալու:

Զեռագործիս ասեղը մի գլուխ մատու ծակում է:

Արամը երեսց շեմին՝ ջրաշուշան էր գործածս, ինչպիսին
տեսել էի երազում: Արամը մոտեցավ՝

— Փշոտ ծաղիկներ պեսք շեն, խնդրեցի, մայրիկը դուրս
հանեց սենյակից: Ես գիտեմ, որ... աշխարհի ամենալավ
ծաղիկը ջրաշուշանն է:

Ես գլուխս կամաց-կամաց բարձրացնելով տեսա նրան:
Նա ձեռքը մեկնեց ինձ: Սա անցած կես տարվա մեջ առաջին
անգամ նայեցի աչքերին, նրա աչքերը կապույտ էին ծովի
պես:

Ես ծածկեցի տան դուռն ու լաց եղա. ուրախությունի՞ց,
որ նրանց տանը էլ փշոտ ծաղիկ չկա: Ցավի՞ց, որ ամռանը
չեմ տեսնելու Արամին: Հպարտությունի՞ց, որ աշխարհի ա-
մենալավ ծաղիկը ջրաշուշանն է, թե՞ տխրությունից, որ մա-
քուր ջրում չի աճում:

Անցնում էին գետի պես երկար օրերը: Իսկ գետերը երա-
զում լճակներ էին դառնում՝ նրանց մեջ օրորվող ու երգող
ջրաշուշաններ, ճերմակ, ճերմակ...

ԱՐԱՄ — Ինչո՞ւ ես ինձ խայտառակում:

ԳԼՈՐՈՒՍ — Ուզում եմ ինքդ քեզ հանաչես:

ԱՐԱՄ — Ես ճանաչում եմ նաև Շուշանին:

ԳՆՈՐՈՒՄ — Ամեն տեղ աղջիկները շափազանց նման են, նը-
րանք շատ քիչ են փոխվում:

ԱՐԱՄ — Զգիտեմ, բայց երեխաները երեխաներին են նման,
մեծերը՝ մեծերին:

ԳՆՈՐՈՒՄ — Մեծերն էլ են երեխաների նման:

Հետո, շատ հետո Արամը Շուշանին կոպտմի, թե ինչու
մեծերն էլ երեխաների նման են, հիմա մեծանում է:

ՊԱՏՄՈՒԹՅՈՒՆ ԵՐՐՈՐԻ

«ԱՐՎԵՍՏԱԿԵՏԸ»

Մեր պապերի գյուղը մեկ է՝ հարցապես նի պես կախված
է ձորապոնկից: Գյուղից դուրս լայն հարթության վրա նոր
կառուցած հատուկենտ տները հիշեցնում են կախման կետեր:
Վեսերը գիծ կղառնան, փողոցի երկայնքով կձգվեն շենքերը,
ձորից կբարձրանա վերջին ծերունին:

Մի օր մեր բակի տղաները հավաքվել, միճում էին, թե ով
կանցնի ջրանցքը: Խմրին մոտեցավ մի սիրուն տղա՝ մազերը
ոգնու փշերի պես ցցված:

— Քանի՞ մետր է խորությունը:

— Վեց, — պատասխանեց Սեթը:

Նորեկը նայեց տղաներին, վճռական մի շարժում արավ
և արագ-արագ հանվելով՝ նետվեց ջուրը: Տղաները մեկին ի-
րար նայեցին: Ես սարսուղի՝ տեսնելով նրա մարմինը օդի

մեջ: Մենք շունչնեկա պահած սպասում էինք, թե երբ կերևա փոքրիկ գլուխը ուղտոր ջրում:

— Խեղդվեց:

— Հիմա կերևա, — վստահ ու լուրջ հաստատեց Սեթը:

Իսկապես որ, նորեկը դուրս ելավ ջրի երես, վարժ շարժումներով հասավ մյուս ափը: Տղաները սսկվել էին: Նորեկը մյուս ափից թափահարեց ձեռքը, աքաղաղի նման ծուլ-ծուլ լինելով՝ ջուրը շրջանցեց, ետ եկավ: Նախանձից լռած տղաների խումբը մի կողմ քաշված դիտում էր:

— Երևում է՝ լավ լողալ գիտես, ժանոթանանք:

— Բենո՛, կողքի բակից եմ:

— Իսկ ես լավ նվագել գիտեմ, — վրս բերեց Սեթը նախանձից կկոցած աչքերով:

— Պահ, մեծ բան է, ես էլ եմ արվեստագետ:

— Ի՞նչ, — չհասկացավ Սեթը:

— Ի՞նչ, Ի՞նչ, չեք հասկանում, նկարիչ:

Նկարիչ լինելն իմանալուն պես մոտեցա. նկարներ ու նրկարվել շատ եմ սիրում, սուլեկուց էլ շատ:

— Իսկական նկար ես անո՞ւմ, թե՛ հենց այնպես, — քրննում էր ձավտան Սեթը,

— Ո՞նց թե հենց այնպես, պիոներ-պալատում նկարիչ եմ: Ծանոթացանք: — Այդ օրվանից մտքիցս չէր գնում նկարվելուց անկությունս: Ուրբան ես շտապեցնում էի Բենիկին, այնքան նա նույն խոսքե՛ն էր կրկնում:

— Կգնանք գյուղ, կնկարեմ, նկարիչին հանգիստ է պետք, խոհեք:

Պապիկիս տունը ժայռի վրա էր, իսկ ժայռի տակ ձորն էր

ու վշշացող գետը՝ ոնց որ նկար: Մի իռսքով կարող էի երագել, օրերով կորչել անտառում, հեքիաթներ հորինել:

Գնացիրք:

Առաջին օրը ոտնատակ տվինք գյուղը, հանդիպեցինք Նունուշին, հետո իջանք ձոր, թափառեցինք, մինչև աստղերը մեկիկ-մեկիկ կախվեցին երկնքից, իսկ հետո պապս հազիվ գտավ մեզ ու խրատներ կարդալով տարավ տուն: Ոչ սովորելու դաս կար, ոչ լուծելու խնդիր. առավոտից իրիկուն թափառիր, սուլիր՝ ինչ ուզում ես, վազիր՝ ինչքան կարող ես:

Գիշերը խոր քնեցի, իսկ առավոտյան լուսամուտից կախված արևը աչքով անելով կանչում էր:

Թռա: Այգու ծայրին Բենիկն սպասում էր ինձ: Նախորդ երեկո որոշել էինք գնալ բերդի ավերակները, որ թառած էին Կոթ քարի գլխին: Ավերակ բերդի ժայռերը ասես տաշած լինեին: Բենիկը ձեռքը ճակատին դրած՝ ուշադիր զննում էր կիսաքանդ պարիսպը, որի վրա հին-հին գրեր կային՝ անհասկանալի ու առեղծվածային:

— Ներշնչում է,— ձայնը փոխեց Բենոն:

«Ըհը,— անցավ մտքովս,— բաց չթողնեմ, հազիվ ներշնչվում է»:

— Հսիր, ինձ էլ բերդի ավերակների վրա փորագրիր, ոնց որ պատմության հերոս:

— Կոմպոզիցիան լավ չի լուծվի,— ձեռքը ճակատից իջեցնելով պատասխանեց նա:

— Ի՞նչ, հայերեն ասա:

— Ասում եմ հետո կնկարեմ, մի քանի օր դեռ պետք է գծեմ դեմքդ, որ ձեռքս վարժվի:

— Ի՞նչ կա որ, գծիր:

Այդ օրվանից Բենիկն սկսեց իմ դեմքը գծմծել պատահած քարերի վրա, իսկ ես քայլում էի կուրծքս ցցած՝ հպարտ-հրպարտ:

Մի սովորական օր էլ, երբ նորից բերդին հյուր էինք եկել՝ նա ասաց.

— Լսիր, Արամ, թուղթ չեմ բերել, ոչ էլ ներկապնակ, դու մի մեծ կտոր ածուխ ճարի, կարգին փորձեմ:

Մտի պես թռա... ավերակների մոտերքում հովվական մոռացված օջախներ կային՝ գրպանս լցրի ածուխներով, մի խոշոր կտոր էլ բռնած ձեռքիս՝ ետ վազեցի:

— Ահա բերի,— ձեռքիս ածուխը հեալով մեկնեցի նրան: Բենիկն ածուխի մի կտորը մաշեց շեշտ քարերին քսելով:

— Կանգնիր զգաստ, չխոսես, մի կեսի նայիր ու քարացիր:

Մի քանի երեխաներ, որ դաշտում գառներ էին արածացնում, հետաքրքրությամբ մոտեցել էին մեզ:

Բենիկը ստեպ-ստեպ նայելով ինձ՝ մի քանի վարժ գիծ քաշեց, ես վիզս ձգած սպասում էի:

— Հիմա նայիր, բայց էլի մշակելու գործ կա:

Ջրակալած աչքերս հառեցի նկարին. մի կլոր շրջան, աչքերիս տեղը նորից շրջաններ, քիթս՝ մաշված շեշտ, շուրթերս՝ հալվասարման նշան, իսկ ականջներս... ջարդված կաթսայի ծոված բռնակներ:

Վիզս ծուռ, դեմքիս մի կիսատ ժպիտ՝ ես նայում էի նրա նկարածին: Երեխաները, որ մինչ այդ լուռ էին, մեկեկն սկսեցին ծիծաղել:

— Պահ, ձմերուկ է նկարել:

— Ի՞նչ է, չեք հավանում... — ինչպես միշտ՝ աքաղաղի պես վրա պրծավ կարմրած Բենոն:

Միծաղն ավելի սաստկացավ:

Բենոն խոռված դեն նետեց կիսամաշ ածուխը և իրենից փոքրերին վախեցնելու համար բռունցքներ ցույց տալով՝ առաջ եկավ:

— Շատ էլ նման է, Բենիկ, գնանք, — ծաված վիզս ուղղելով քաշեցի նրա թևը:

— Հազիվ թե հասկանաք, անգրագետներ, — փնթփնթում էր նա քթի տակ, հետո տեսնելով դեմից եկող մորուքավորին՝ ձամփից ետ քաշվեց:

Մարդը ֆոտոապարատով էր: Նա անցավ՝ շնկատելով մեզ ու հասավ առաջվա մեր կանգնած տեղը: Նայեց շուրջը, նկատեց ածխանկարը խոյակի վրա: Հետո հանդիմանանքով մաքրեց այն:

Ծերմակ թաշկինակը ամոթից սևացավ:

Ես ուրախացա «մաքրված» պատկերիս համար:

— Դե դա առաջին իսկական փորձն էր, հետո ավելի հաջող կլինի, մեծ նկարիչների հետ էլ է պատահում, — խոսում էր մխիթարելու, թե «սրբված» տաղանդի համար:

Ես մոտեցել, նայում էի, թե ինչ է դեբյուտ ծոցատետրում անժանոթ մարդը: Նա թաշկինակով դեռ՝ երկար մաքրում էր այդ քարի փոշին, հետո դողդոջոճ ձեռքով գրեց՝ ՀՈՂԻ ՊԵՍ ԽՈՆԱՐՀ ԵՂԻՐ, ՈՐՔԱՆ ՏՐՈՐԵՆ, ԱՅՆՔԱՆ ԿԱՄՐԱՆԱՍ...

Ես շհասկացա քարերի գիրն էր, թե...

Եվ ամաչեցի:

Բոպեաշափ լոռիթյունն ինձ ժամեր թվաց։ Ես կաշկանդվել էի ինչ-որ զգացումից, կոկորդս խտուտ էր գալիս։

Մենք դեռ երկար նայում էինք բերդի ավերակներին, իսկ Բենոն՝ իր կոշիկներին։

Գառնարածները գնացել էին։ Նունուշը մնացել էր կանգնած։ Ձորում աղմկում էր Սեվդու գետակը, պապիս տունն էլ հարցականի պես դեռ կախված էր ձորապոնկից։

Ամառն անցավ, սկսվեցին գրելու և սովորելու օրերը։
ԱՐԱՄ — Մի խորհուրդ տուր։

ԳՂՈՐՈՒՍ — Իմ վրայից մաքրիր փռչին, քո վրայից՝ անհոգությունը։

ԱՐԱՄ — Ինչի՞ց սկսեմ։

ԳՂՈՐՈՒՍ — Սկսիր լվացվելուց, թարմացնում է։

ԱՐԱՄ — Լվացվեցի։

ԳՂՈՐՈՒՍ — Կարդա։

ԱՐԱՄ — Կարդացի։

ԳՂՈՐՈՒՍ — Գնա խաղալու։

ԱՐԱՄ — Գնացի, Գլորուա։

ԳՂՈՐՈՒՍ — Սպասիր, գնալը հեշտ է, եկ ինձ մոտ, ամեն ինչ կարևոր է՝ փոշի մաքրելը, լվացվելը, կարդալը, լսելը... անկարևոր բաներ չկան։

Երկար ընդմիջումից հետո Գլորուսի ընդունիչը միանում է նա շատ բաներ է պատմում աշխարհի ու երեխաների մասին։

ԵՍ ԳԻՏԵՄ, ՈՐ ԱՄԵՆԱՇՈՒՏՆ ԱՅՍՈՐ ԵՄ ՀԱՍՆԵԼՈՒ ՏՈՒՆ


Մայրիկին խոսք էի տվել՝ ինչ կերպ լինի, պատմվածք գրել տանձի, խնձորի ու աշխարհի մասին: Դե տանձը տանձ է, ուտելիս շուրթերդ ճպճպացնում ես, խնձորն էլ ամենալավ միրգն է ամռան ու ձմռան կեսերին: Իսկ աշխարհը խնձորից այնքան մեծ է, որ գրել վախենում եմ:

Եվ ընդհանրապես, դպրոց դնալ-գալը մի-մի պատմվածք է, հարկավոր է միայն ուշադիր նայեմ շուրջս, պայուսակներին, երեխաներին, մեկ էլ տանձ տեսնելիս շմտածեմ միայն ուտելու մասին:

Մինչ ես մտածում էի որևէ պատմվածք հորինել՝ Մարտի 8-ը հոլի պես գլորվելով մոտենում էր: Ես ուզում էի մատուշարժի, մի քանի օր հոլը կանգներ, քնեի, վեր կենայի և պատմվածքը գրված, մեքենագրված մեկնեի մայրիկին: Ու այդ օրը լինեի մատիս կախարդական շարժումով կանգնած Մարտի 8-ը:

Ես անգիր գիտեմ աշակերտական կանոնների բոլոր կետերը ծայրից ծայր, որ ուսուցիչ տեսնելիս գլխարկը վերցնում են, որ դասին խոսել չի կարելի, չի կարելի հրել կողքդ նրստած Շուշանին, որ նկարչության դասին պետք է նկարել, հարցեր տալ ձեռք պարզելուց հետո, խոսել, երբ ուսուցիչը կասի՝ հապա՞...:

Ես այս բոլորը ծայրից ծայր գիտեմ ու կարող եմ առանց շփոթվելու ասել մայրիկին, իսկ մայրիկը հպարտանալով իմ կանոնավոր հիշողությանմ՝ կժպտա, ես ողորդվածմ կավելացնեմ.



— Ամենալավ բանը տանձն է, խնձորը, դու՛, մայրիկ, մեկ էլ նկարեիր:

Բայց երբ գալիս է զամբի ժամանակը, ես հաճույքից ճշալով դուրս եմ վազում: Իսկ նկարչության դասատուն կարմրած կանչում է՝

— Ու՛ր...

Նկարչության դասատուն, այսինքն՝ ընկեր Գեղեցիկը:

Նա նման չէ մյուսներին ու գիտի ամեն ինչ նկարել: Իսկ այդ մեզ համար նշանակում է ուղղանկյունի, հաստ թերթերով տետր, գունավոր մատիտների տուփ, մեկ էլ գունավոր մի աշխարհ:

ձիմա կապտամեմ, թե ինչից սկսվեց ամենահիմնականը, այն, թե այսօր առաջին անգամ ինչու ամենաշուտը պետք է տուն հատնեմ, և թե ինչ օր է այսօրը:

Ընկ. Գեղեցիկը այսօր սովորականի պես մտած դասարան, սովորականի պես ոտքի կանգնեցինք և անսովոր ժպտալով՝ շնորհավորեցինք նրա տունը: Նա հուզմունքից կարմրեց, հետո հանեց մի գիրք, և սկսվեց նկարչության դասը: Գրքի առաջին էջում նկար կար՝ արտ, սովորական կոմբայն, որը կալսում էր:

Դասատուն ասաց.

— Արտը... առաջ հող է եղել, պինդ ու քարքարոտ, հետո քարերը փոքրեցին, վարել, հեռացրել կոշտերը, հետո էլ բարի սերմնացանները ցանել են ոսկի ցորեն, իսկ հետո ցորենը հողում արևի կարոտից ծլել է, կանաչել է արտը, հասել ու ծփացել է քամու մեղմ հպումից: Եկել է հնձելու պահը, հունդացել է կարմիր մի կոմբայն, ցողունից կտրված հաս-

կերը խոնարհվել են, որ կալավեն, դառնան ալյուր, հաց ու կյանք:

Տիրեց լուսթյուն, ես ոչ միայն ցորենը տեսա, այլև արտ վարողի քրտինքը, սերմնացանդի ժսխտը, լսեցի և կարմիր կոմբայնի հոնդյունը: Այդ տեսավ ու լսեց նաև կողքիս նստած Շուշանը: Ուզեցի այդ մասին անողայման ասել ընկ. Գեղեցիկին, բայց նա՝

— Հարցերը՝ դասի վերջում:

Ակսեց նկարել գրքի գունավոր աշխարհը գրատախտակի հարթ երեսին, նկարելիս մատները կավիճից սպիտակեցին:

Ես հաշվում էի տուփիս կարմիր ու կանաչ մատիտները: Ես ուզում էի նրանք առանց ինձ նկարեն:

Ընկ. Գեղեցիկը հերթով մոտեցավ բոլորին՝ ուղղեց, ձեռքը դրեց Շուշանի գլխին: Նա թեքվեց իմ կողմը, ուր թղթի վրա կիսատ արտ կար, մատիտների կիսաբաց տուփ, մեկ էլ փոքրիկ մի ձեռք, որի մատների մեջ դողում էր կարմիր մի մատիտ:

Ես ուզեցի ասել, որ ամենալավ նկարը կյանքում այդ ցորենի արտն է, որ քամու շոյանքից խոնարհվում է, մեկ էլ փայլուն կոմբայնը, որն արևի տակ նմանվում է հրաշքի, բայց հանկարծ ինքս ինձ տեսա նրա խոնարհված աչքերում և...

Նա հանդիմանանքով շարժեց գլուխը, երբ նայեց կիսատ նկարին, իսկ ես շարունակեցի մտածել աշխարհի երկար դեմքերի ու պարզ աչքերի մասին, որոնց մեջ ավելի գեղեցիկ է երևում աշխարհը:

Ես հենց նոր, երբ նա հեռացավ իմ մոտից՝ հասկացա, որ ընկ. Գեղեցիկի աչքերի մեջ բացի ինձանից արտի ժպտանք

կար, մեկ էլ սերմնացանի ժպիտ: «Ոչինչ, ոչինչ, որ չկարողացա նկարել ցորենի արտը, որ սեղանի մի ոտքը ինձ մոտ երկար է ստացվում»:

— Ես, ընկ. Գեղեցիկ...

— Ասա՛, Արամ:

— Ես ուզում էի առել, որ այսօրվա արտը...

— Գիտեմ, Արամ,— միտքս հասկանալով ժպտաց նա: Նրա ժպիտից լուսավորվեցի և ես:

— Ցտեսություն, ընկ. Գեղեցիկ, ես ուզում էի այսօրվանից ամեն ինչ ավելի լավ անել, և ամենալավը նկարել հենց այդ արտը:— Զգիտեմ, ներե՛ց ինձ՝ կիսատ արտի համար, թե՛...

Բայց գիտեմ, որ այսօր ամենաշոտն եմ հասնելու տուն, պատմելու տխրությունս երկար դեմքիս պատճառով:

Ես չգզացի, որ բոլորովին մոռացել եմ աշակերտական կանոնների բոլոր կետերը, երբ ճեղքելով ուսուցիչների շրջ-
ֆան՝ դուրս փախա:

Բայց ես գիտեմ, որ ինչ-որ լավ ու տխուր բանից մղված ամենաշոտն այսօր եմ հասնելու տուն: Տուն հասնելուն պես շնչասպառ ասելու եմ մայրիկին՝

— Աշխարհի ամենալավ բանը նկարելն է, Մարտի 8-ը, այսօրվա արտն ու ընկ. Գեղեցիկը:

Ասելու եմ, և փայլելու են մորս աչքերը, երբ հասկանալու է բոլորը: Իսկ գլխավորն այն է, որ ես գիտեմ արտի, ցորենի, բարի սերմնացանի, Մարտի 8-ի ու կարմիր կոմբայնի մասին:

Եվ ինչ լավ է, որ ընկ. Գեղեցիկի աչքերի մեջ երևում է աշխարհը, իսկ մաղերը սև ու հարդարած են: Եվ ինչ լավ է, որ այսօր Մարտի 8-ն է, թեև չեմ վերջացրել հենց նոր ըս-

կըսած պատմվածքս, որքան էլ մայրիկը շտապեցնում է... իսկ աշխարհն ավելի է մեծացել աչքիս:

ԱՐԱՄ — Բարեւ, աշխարհ:

ԳՆՈՐՈՒՍ — Բարեւ, տղաս:

ԱՐԱՄ — Ի՞նչ ես մտածում:

ԳՆՈՐՈՒՍ — Ես մտածում եմ երկու փոքրիկների մասին, որոնք իմ մեջ խոսում էին, հետո լռեցին առհավետ: Նրանց հայրենիքում կռիվ է, և ծայրը չի երևում:

ՊԱՏՄՈՒԹՅՈՒՆ ՀԻՆԳԵՐՈՐԴ

ՄԻ ԲՈՒՌ ՑՈՐԵՆ

Վիետնամցի փոքրիկները.

— Հսո՞ւմ ես:

— Չէ:

— Ականջ դիր:

— Փորձում են:

Ձագարը, որի մեջ նստած էին՝ նեղ էր, և նրանք խոսում էին քիթ-քիթ:

— Մըրոտ ես:

— Ցորեն էի փնտրում:

— Գտա՞ր...

— Հիմա ինչ-որ տեղ տոննաձերով ծովն են լցնում:

Նրանցից այն կողմ խանձված արտը մխում էր:

— Վախենո՞ւմ ես:

— Առաջ վախենում էի:



- Ես գիտեմ, որ վաղը չեմ լինի:
- Դու լինելուց ու չլինելուց քիչ բան ես հասկանում:
- Ես հասկանում եմ այն, որ մենք մեղք ենք:
- Ո՞վ, մենք:
- Ես, դու, նրանք, որ մեռան:
- Ա՛...
- Ուտել եմ ուզում:
- Գնանք:

— Կարծում ես մեջը բան կլինի՞...

— Ռոմբեր չինում են, շոկոլադ էլ...

— Գնանք:

— Իսկ դու ճարպի՞կ ես:

— Երբ հրացաններ էի կրում, մի քեռի հնձ ասաց՝ ճատիկ:

Գնացին: Սողալիս նրանց արմուկները մրմռում էին:

— Իսկ եթե պայթի՞...

— Երկու օր անցել է:

— Խցիկը չկա, երևի...

— Փորձենք:

— Իզուր է:

— Վախկոտ:

Նրանք այնքան նման էին, որ անուն չունեին:

— Դու մտիր, ես էլ կգամ:

Այլվաժ ինքնաթիռի ծվենները խրվել էին խանձված հողի մեջ:

— Դուռը չի բացվում:

— Ա՛ռ, խփիր:

— Չեմ կարող:

— Եթե այսօր էլ ոչինչ չկերանք, ես քոզ կսպանեմ:

— Ոչինչ չի երևում:

— Սողա՛:

— Ես լսել եմ, որ օդաչուները վրակի են ունենում:

— Ոչինչ չկա, միայն մեռած օդաչուն է:

— Դու մայր ունե՞ս...

— Ի՞նչ մայր:

— Այս օդաչուն էլ մայր ունի:

— Եթե ունենար, չէր դա:

- Գիշերն այստեղ կմնանք:
- Գիշերը էս կմեռնեմ:
- Չես մեռնի:
- Մի բուռ ցորենը հավասար է մահվան:
- Քանի՞ տարեկան ես:
- Երբ սկսվեց, տասը տարեկան էի:
- Հսկեց ոռնոց, նրանք սսկվեցին:
- Վերջ:
- Չի խփի:
- Նրանք կիջնեն, կգան:
- Չեն գա, մի ջարդված ինքնաթիռը մեծ բան չէ:
- Պտտվում է, ճոճանակ է կախում:
- Վե՛րջ:
- Իջավ:
- Նա կստուգի միայն խցիկը:
- Նա կտեսնի մեզ:
- Չի տեսնի, մտիր ոռմքի տեղը, ծպտուն մի՞ հանիր:
- Չափարն ավելի ապահով էր:
- Կսպանի:
- Ի՞նչ...
- Ինձ:
- Օդաչուն նայեց, պտտվեց, ձեռքը թափ տվեց:
- Ոչինչ չկա...
- Մահը աչքից է կախված:
- Թարձրանում է, ճոճվում է, կընկնի, կմեռնի:
- Չի ընկնի և չի մեռնի, նա կսպանի մեզ:
- Երանի հրացան լինե՞ր:

— Հիմար, այս խանձված դաշտում երազում ես հրացան, որ կրակես: Ես տասը հատը կտայի մի բուռ ցորենի:

Հետախույզ ինքնաթիռի անվրեպ կրակոցը ստիպեց, որ տղաները ստիպված չլինեն տասը հրացանը փոխել մի բուռ ցորենի հետ:

ԱՐԱՄ — Գլոբո՛ւս, դու սիրտ չունես:

ԳԼՈԲՈՒՍ — Բոլոր սրտերն իմ մեջ են:

ԱՐԱՄ — Դու թողնում ես, որ սպանեն քո կյանքերը:

ԳԼՈԲՈՒՍ — Ծնունդով ու մահով եմ ես կոչվում աշխարհ: Ես առանց մարդկանց սոսկ երկրագունդ էի: Նրանք խնձ աշխարհ սարքեցին, ես նրանց հրամայել չեմ կարող:

ԱՐԱՄ — Այնուամենայնիվ, դու վախկոտ ես:

Հույսով եմ ամեն ինչ պարզ ու հասկանալի է, ինչը չեք հասկանում, մեր մեջ մնա, ես էլ շատ բան չեմ հասկանում. կարող եք գրել մեր հասցեով և ստանալ պատասխանը: Հասցեն ինչպես միշտ՝ վերջում:

— Խոսի՛ր, Գլոբոս:

ՊԱՏՄՈՒԹՅՈՒՆ ՎԵՑԵՐՈՐԴ

ՆԱՍՏՅԱՆ

Ութ տարեկան եմ, և ձմեռը հաճելի է սահել սահնակով: Մոտակա գետի սառույցը տեղ-տեղ ճեղքված է, երևում է մեղմիկ երգող ջուրը: Ուզում եմ վերից վար նայել, բռնել արտացոլումս փախչող ջրի մեջ: Երկու-երեք փոքր աղջիկ ու

մի քանի տղա՝ ահա մեր թաղի դպրոցականները: Դպրոցից հետո մայրիկը թողնում է գնալ սահելու, գգուզացնելով՝

— Հեռու չգնա՛ս:

Ճամփա ենք ընկնում՝ հրեկով ու դոփեկով սառած գետինը: Արդեն գետի ափին ենք, որ հեռու չէ մեր տնից: Թվում է սահելուց լավ բան չկա՝ մեր սառած գետինն էլ մի առավերջ, մի փայլուն ճամփա է:

Դիմացից տղամարդու լայն քայլերով գալիս է Նաստյան՝ ուսափայտից կախված դատարկ դուլերը չխկչխկացնում են: Մոտենում է ջուր վերցնելու: Տղաները խոսքները մեկ արած գոռում են՝

— Նաստյա՛, Նաստյա՛, հո՛ւ...

Սուլում են, փախչում՝ կառչած սահնակներին: Իսկ ես չեմ փախչում, Նաստյայից չեմ վախենում: Նա մոտենում է ինձ, կոպիտ բռնում ձեռքս: Ես միամիտ մատով ցույց եմ տալիս անցքի փախչող ջուրը, հանդարտվում է ձգված դեմքը: Երևի կարծում է շար չեմ, որովհետև ժպտում է: Նայում է ինձ ու թողնում ձեռքս, զննում նախ մեկ, ապա հաջորդ դուլը, հետո էլ նստեցնելով սահնակ՝ հրամայում է տղաներին, որ նոր-նոր մոտենում են հանգստացած՝

— Քաշեք:

Բազմած սահնակին, երջանիկ կատվի պես ժպտում եմ: Նաստյան էլ թվում է տատիկա է՝ հին ու բարի: Հաանում ենք մեր տների մոտ, տղաները բաց թողնելով սահնակը ձգող պարանք՝ նորից սուլում ու կանչում են.

— Նաստյա՛, Նաստյա՛, հո՛ւ...

Նաստյան հետ է մնացել: Զեռքով եմ անում ու մտնում դարպասից:

Երջանկությունից ոչինչ չեմ հիշում, քնում եմ: Առավոտ է, ճերմակ ձյունից գունատվել է արևը: Տնից դուրս եմ գալիս: Մայրիկը ինչպես միշտ՝ զգուշացնում է խելոք մնալ: Գլխով եմ անում:

Անկյունում ինձ է սպասում նաստյան: Աչքերս պլպլում են: Նա բարեւում է կոտրած ժպիտով: Խլելով պայուսակը, մյուս ձեռքով էլ թռնելով ձեռքս՝ ինձ քարշ է տալիս դպրոց: Անընդհատ վազում եմ, քայլելով նրան չեմ հասնում: Դպրոցի մոտ տալիս է պայուսակը առանց որևէ խոսքի և ձեռքը շարժում, թե՛ գնա:

Գնում եմ:

Դասերից հետո նույն տեղում սպասում է, նորից վերցնում մեծ պայուսակս: Ճանապարհվում ենք, Հասնելով մեր տուն, նորից ձեռքով է անում, որ գնամ: Սվ միշտ յուր: Հաջորդ առավոտյան արդեն գիտեմ, որ սպասում է, դասերից դուրս գալիս՝ նույնպես: Ու քիչ-քիչ դա: պահանջ է դառնում:

Ինչպես միշտ՝ տղաները դպրոցից դուրս գալիս քղավում են:

— Նաստյա՛, Նաստյա՛, հո՛ւ...

Ուզում եմ բողոքել, լաց լինել կողքից քայլող Նաստյայի համար, բայց նա այնքան մեծ է, որ ա՛յ ոչում եմ:

Սեղմած շուրջերով ինձ տանում է իր հետ:

Մայրիկը տեսնելով մեզ միասին՝ վախենում է, շատ փոքր եմ Նաստյայի ամուր ոտքերի մոտ: Ու աչքպես, ամեն օր ու առանց խոսելու Կարիք էլ չի լինում: Ամեն ինչ պարզ է:

Մեր ճամպուկ անցել ենք երկար, մինչև որ մեծացել եմ:

Մի օր էլ չեկավ՝ պայուսակս ծանր էր, կոշիկներս՝ ոնց

որ երկաթ: «Ի՞նչ պետք է ասեմ մորը, եթե հարցնի, թե ո՞վ եմ, ի՞նչ եմ ուղում», — այս մարդով հասա:

Մեր ատներ նման է այն տանը, ոնց որ մի օր են ծնվել, միասին ապրելու համար: Կին է դուրս դալիս իմ կանչի վրա, ուշադիր դիտելով գետնից կալած իմ հասակը՝ քմծիծաղում: Պատասխանում է, որ էլ նաստյան այնտեղ չէ, նրան վերցրել են բուժման: Ասում է հանգիստ, անվրդով, շուրթն էլ չի դողում: Երեւի մայրը չէ, այլ հարեանը: Մպտուն չեմ հանում, միայն զգում եմ, որ կոկորդա խտուտ է դալիս:

Հիմա ես մեծ եմ, մեր գետն էլ անվերջանալի, փայլուն ճամփա չէ: Նաստյայի դեմքն էլ աղոտվել է իմ հուշերում, մեր տներն էլ թվում է է՛լ նման չեն իրար: Բարձրդասարանցի աշակերտ եմ: Զգիտեմ ուր և ինչպես է իր կյանքն անցկացնում հեռավոր Նաստյան: Հին օրերի պես ուզում եմ տեսնել նրան. ամեն առավոտ, երբ ուղևորվում եմ դպրոց և ամեն երեկո, երբ գալիս եմ տուն: Այնպե՞ս եմ ուզում:

Էլ սահնակ չեմ խաղում փայլուն ճամփաներում: Հիմա ամեն ինչ ճի՛ն է դարձել, սահնակն էլ, ձեռքիս հաստափոր կայուսակն էլ, ամեն ինչ, նույնիսկ մեր սառած գետը:

Ու քանի գնում, ես ասվելի եմ մոռանում իմ ով լինելը. ես նրանցից եմ երևի, որոնք չեն վախենում սառած ժպիտով թարեղ մարդկանցից, ու այդ մարդիկ չեն ծեծում նրանց: Երբ վախենում ես մարդուց, նոր է ծեծում, որ ցուլց տա իր ուժը: Ու կորած, մոռացված մի հուշ ինձ հանգիստ չի տալիս, թեև արդեն մեծ եմ ու այլ հուշեր են պատել ինձ. իսկական ճամփաների ու շիտակ ճամփորդների մասին:

Հիմա բոլոր հուշերն ինձ պատկերանում են փոքրիկ, ծրուքաված սահնակի, անվերջ ու փայլուն ճամփի, հաստափոր

պայուսակի, ուսափայտից ճոճվող դույրերի տեսքով՝ ինչպես միշտ անցյալ ու նոր, միշտ հին ու ամենօրյա ՆԱՍՏՅԱՆ:

Ես շիմացա նաստյայի մասին պատմող աղջկա անունը, բայց հաստատ գիտեմ, որ նունուշի քույրն է կամ քրոջ քույրը:

ՊԱՏՄՈՒԹՅՈՒՆ ՅՈԹԵՐՈՐԻ

ՀԱՅՐԻԿՆ ԱՍԱՑ՝ ԿՈՇԻԿՆԵՐԸ ՊԵՏՔ ԶՆՆ

Հիվանդանոցի հին դուռը հրելով՝ առաջ եկավ հայրիկը.

— Թո՛ղ, թո՛ղ կտրեն, միայն թե այս ցավից պրծնեմ,—
ասաց նա հենակը գետին խփելով:

Ես հաակացա, որ շատ է մտածել ու տանջվել հայրիկը, հրկու ամիս: Մտածել է նաև իմ մասին:

Ես նայեցի դարպասին, որով ամեն օր գալիս ու գնում են հենակով ու անհենակ մարդիկ, հիվանդանոցի լուսամուտներին, աշխարհին, որ հիմա մոխրագույն էր:

Ես ուզեցի բռնել, խեղդել հիվանդանոցի բակի շալ կատվին, որ մոմռում էր ինքն իրեն: Ուզեցի ծռել լուսամուտների երկաթե ձողերը: Ուզեցի լռեր, անպայման լռեր այդ շալ կատուն:

— Հայրիկ, հայրիկ ջան, կատուն շալ է և մոմռում է ինքն իրեն:

Հայրիկը նայեց ու ժպտաց ինձ:

Բայց և այնպես՝ ես գիտեի, որ նրա ժպիտը ժպիտ չէ, և որ

վաղը սարսափելի օր է լինելու ինձ, հայրիկի, մայրիկի ու աշխարհի համար, կամ միայն մեզ համար:

— Հայրիկ, գիտես, ես վաղը պետք է արտասանեմ հավաքույթում:

— Դու լավ տղա ես,— պատասխանեց հայրիկը:

Հեռանալ չէի կարող, մնալ անհնար էր, ոտքերս չէին քնում, սիրտս ուզում էր փախչել, իսկ հիվանդանոցի լուսամուտի ձողերը սարսափելի կոպիտ ու հին էին:

— Հայրիկ, լուսամուտի ձողերը պետք է փոխել:

— Մորդ ասա, թող կոշիկներս քերի, երկոսան էլ:

Ես մի քիչ հետո հասկացա, որ նա հեշտ չի հրաժարվելու կոշիկի դույզին, որ նա կրծքին է սեղմելու կոշիկը, նույնիսկ պահելու է ծոցում:

— Հայրիկ, կենտոն այնքան սարսափելի չէ, հայրիկ, թող մայրիկը չքերի զույգ կոշիկները, որ ես արտասանեմ հավաքույթում:

Երևի ես նման չէի ինձ, որովհետև հայրիկն ասաց՝

— Լավ, պետք չէ, ասա, թող միայն ինքը գա, դու չգաս, կարտասանես:

Ես գտաքի, որ վերջին անգամ եմ տեսնում նրա զույգ ոտքերը, ես ուզեցի ոտք դառնալ հորս համար: Երբ նա ծածկվեց գունաթափ դռան հետևը, ես դուրս եկա՝ իմ հետևում թողնելով շալ, մոռացող կառավին, լուսամուտի կոպիտ ձողերը և մի զույգ հենակ: Ես մտքումս կրկնեմ էի ոտաճակովը, որ պետք է արտասանեի հավաքույթում:..

...Առանց կովի ես դարձում
Ինչպե՞ս դառնամ հայրենասեր:



Ուտանավորի հանգերի արանքից մենակ մի ոտք էր քայլում:

Ամայի մի փողոցում հաշվելով ասֆալտի դար ու փոսերը՝ կանգ առաւ: Ես գծիկներ տեսա ինչ-որ բանի նման: Մի կին կանգնեց ինձ մոտ և հետաքրքրութեամբ նայեց:

— Ինչի՞ նման է գիծը, — հարցրի:

— Գիծ է, բարիկ ջան, սովորական գիծ, — ասաց այդ բարի ու միամիտ կինը:

— Ես վաղը նախքան արտասանելս կսպասեմ շալ կատվին, — ասացի՝ հրելով մի քար:

Գնացի՝ հիշելով հիվանդանոցի գունաթափ դուռը... սպիտակ խալաթներ ու գորշ երկինքը... որից մի պատառ շողք էր կախվել: Հասա տուն, բացելով մեր դուռը, մայրիկին ասացի՝

— Մայրիկ, գիտե՞ս ասֆալտի գիծն ինչի նման էր:

— Զգիտեմ, տղաս:

— Հայրիկն ասաց՝ կոշիկներն է՛լ պետք չեն, մի՛ բեր:

Հետո լսվեց մի ճոռոց, մի թմփոց, և ես սարսափելի մեհակ զգացի աշխարհում: Մի՞նչև եկավ հարևանը, ջուր շփեց մայրիկի դեմքին... և մի քիչ փոխվեց ամեն ինչ:

Ես դեռ մտքիս մեջ կրկնում էի՝

...կավ սովորիր, իմ թանկագին

— Ոչինչ, մեկ ոտքով էլ կարելի է քայլել, հողը չի ճոճվում, չի ընկնի, — ասաց մեր հարևանը:

Մայրիկը խմեց այն ջուրը, որ մեկնել էր հարևանը: Հետո ոտքի ելավ: Իսկ ես շարունակեցի մտքիս մեջ կրկնել ուտանավորի հանգերը՝

...եւ ծաղկեցրու այն հողը մեծ...

Երեկոյան աշխարհում դեռ վառվում էին նեոնե լույսերը:

ԱՐԱՄ — Ես տխրում և ուրախանում եմ քո պատմածներից:

ԳԼՈՅԻՍ — Մարդու համար երկուսն էլ անհրաժեշտ են:

ԱՐԱՄ — Բայց ես դեռ մարդ չեմ:

ԳԼՈՅԻՍ — Դու տղա ես, և պետք է մարդ դառնալը սովորես, ինչպես դասերդ:

ՊԱՏՄՈՒԹՅՈՒՆ ՈՒԹԵՐՈՐԴ

ՀԱՅԵՐԵՆԻ ԻՄ ԴԱՍԸ՝ ՊԱՏԱՆԻ ԾԱՂԿՈՂԻ ՄԱՍԻՆ

Ասեին ամենալավ բանն ինչն է.

— Գյուղամեջը:

Ամենախելոք մա՞րդը...

— Աբուն:

Ամենասիրո՞ւնը...

— Թենին:

Գյուղը կանաչ էր գարնանը, ձոր ու կածան ծաղկած-ծաղկունք: Թորիկը արմատիք էր հավաքում, իսկ Աբուն եփում էր, Թորիկը այդ ներկերով նկարում էր: Աշնանը արևը կախվում էր քարափի գլխին ու քարափի տակ փշրվում՝ ստեղծելով արևային ծառեր, արևային կածան, արևային մամուռ. ու ձորի ջրի մեջ՝ արևի հոսող փշուրները:



Տխրում էր տղան և երազները հաշվելով չոր ծառերից մեկիկ-մեկիկ կտտրում էր ցախ, ճըթոցը արձագանքվում էր ձորեզրին, ու մի շշկլած հավք թաքցնում էր երգը... հետո երգն ու ճըթոցը միացած՝ համերգում էին։ Նա մի լաճ, անուն Թորթկ՝ գրկաչափ ցախը պարանով կապել-սկզբաջնելիս ակամսջը դնում էր

գետնին. գույնները աչքին նախշեր էին դառնում, անտառի
երգը՝ հողի երգ: Հետո մի կոտրած ցալ սեղմում էր դողա-
ցող ավի մեջ և սրտի հեքը բռնած՝ խշխշան խռիվների մեջ
գծեր էր քաշում: Գծերը խաչվում էին, հետո դառնում թըռ-
շուններ ու հեքիաթի վիշապ: Իսկ հողը տերևների տակից խո-
նավոսթյուն էր բուրում:

Տղան նայում էր իր նախշած գետնին, նայում էր հեռու
և արևը ցախի հետ շաղկած բերում էր իրենց կտրավոր
գետնատունը: Մայր Թենին թեշիկը ձեռքին մանում էր. թե-
շիկը կյանքի պես հին էր, տատի տատինը՝ ճաքի վրա թելը
պահում էր:

Արևից հյուսված, արևի ճոճից կախվել էր զանգակավոր
վանքը: Վանքի խորաններում շնարակած հրեշտակները
ժպտում էին կոպ գնացող աչքերով:

Թորին՝ պատանի, լուսաչք, տրեխների ծոպերը պինդ,
ծայրերին մոռացված հող ու տերև, ռունգների մեջ խոնա-
վության բույրը:

Տղան նայեց, նորից հիշեց աստվածամորն ու իրեն թափ
տալով գնաց: Խնկահոտը լիզում էր վանքի կողերը:

Թորոսը ներս մտավ՝ մտքերը թափ տալով ու գլխից քա-
շելով «մոթալ» փափախը:

— Ես եմ, Արո՛ւ:

— Նստի՛ր, գիր արա:

Սև տքեմը շատ էր սազում հորը: Թորոսը նստեց խորանի
մոմերի առաջ, տեսավ քարե նախշերը, օրորվող մոմալույսի
տակ փետուրը ձեռքն առավ, թաթախեց թզենու կաթի մեջ,
մագաղաթի շուշանափայլ երեսը գոնեսպառեց: Խնկահոտի
մեջ խնկարկվում էին գրերն ու աստվածամոր խորհող դեմ-

լրտ Լևտովածամոր հոնքերի պես կեն, աչքերի պես տոշավոր,
տտովածամոր քթի պես ուղիղ, աստվածամոր շուրթերի
պես բարի ու աստվածամոր մառների պես նուր՝ շարվում
էին տառերը իրար կողքի, իրար տակ ու իրարից հեռու:

— Հերիք, լա՛ճ, — պիտից վեր հնչեց մի ձայն:

Լեռուի աչքերից մոմի լույսի մեջ արևի խրճեր էին թափվում:

— Գնանք:

Լեռուներ խլպլտում էր մառաններում, աշունը հևում էր
կտրասների մեջ և կոշում էր կյանքի Թորոսի աչքին ամեն
ինչ նախը էր թափում, որ ձուլվում, վերջանում էր ձորա-
պանկին: Խնկահոտի ու մոմալույսի տակ աշխարհը դառնում
էր կիսաթափանց քող, քողի վրա՝ նախը ու բան: Իսկ երբ
դուրս էր գալիս վանքից և քողը ընկնում էր՝ աշխարհը երփ-
նեղանալ գորգ էր, մեջտեղը աստվածամոր աչքերով Թենին,
Թեշիկը ձևերին՝ ժպտացող ու քարի:

Թենին մայր, Թենին կին, Թենին սուրբ:

Թորոսը ամենաշատը ճանաչեց մոր սրբությունը, որդան
կաթմիրով ծածկեց գիր ու մատյան և երբ դարձավ վանքի
միակ ու հայտնի գրիչն ու ծաղկողը, օշարակով մոր շիրմա-
քարին գրեց՝

«ԱՍՏ ՀԱՆԳՉԻ ՍՈՒՐՔ ԹԵՆԻՆ»:

ԱՐՄՄ — Գլորուս, քանի՞ գիծ ունես:

ԳԼՈՐՈՒՍ — Զեմ հաշվել, որովհետև նրանք, ճանապարհներ
և, սահմաններ, գետեր: Ես գծեր շատ եմ հարգում,
այնպես, ինչպես ինքս ինձ:

ԱՐՄՄ — Ես նկարչության դասին չկարողացա հարգել գծերի
սպիտակությունը և ոտքս...

ԳԼՈՐՈՒՍ — Վերջերս...

ԱՐԱՄ — Միայն ֆուտբոլի պատճառով:

ԳԼՈՐՈՒՍ — Լավ չէ, բայց ամենակարևորն այդ չէ:

ԱՐԱՄ -- Իսկ ի՞նչն է կարևորը:

ԳԼՈՐՈՒՍ — Բարեկամությունը:

ԱՐԱՄ — Չհասկացա:

ԳԼՈՐՈՒՍ — Երկրագունդ կար քարից ու սարից: Ադամն ու Եվան բարեկամացան, ծնվեցին երեխաներ: Երեխաները մեծացան: Էլի ծնվեցին, էլի բարեկամացան: Հետո մոռացած բարեկամությունը՝ սկսեցին իրար հրմշտել: Բայց եթե ճիշտ դատենք, աշխարհում բոլորը բոլորին բարեկամ են:

ԱՐԱՄ — Նման մի բան մայրս է պատմել, երբ շատ փոքր էի և կովում էի նունուշի հետ:

Գլոբուսը մի օր ասաց. կյանքում այն, ինչ էական ու կարևոր է, ամեն տեղ նույնն է, ստորբեր են միայն գույները:

ՊԱՏՄՈՒԹՅՈՒՆ ԻՆՆԵՐՈՐԴ

ՇՈՒԿԱՅԻՑ ՀԵՏՈ ՀԱՆԳԻՍՏ Է ՊԵՏԲ

Հասանք մի աղմկոտ տեղ, ուր հրում ու կանչում էին. փոշի էր ծանրացել մարդկանց թարթիչներին:

— Մայրիկ, ինչո՞ւ են հավաքվել:

— Շուկա է:

«Ուրեմն աշխարհի ուր մասում հավաքվում են, աղմկում շուկա է»:

— Մայրիկ, ինչո՞ւ ես ինձ կպչում:

— Որովհետեւ ինձ էլ ուրիշներն են հրում:

«Ուրեմն ում հրում են, նա էլ պետք է մյուսին հրի»:

— Մայրիկ, իսկ ինչու այն կարմիր խնձորները չես գնում:

— Թանկ է, բռնիր փեշիցս, ջկորչես:

«Ուրեմն ինչ Թանկ է, մեր բանը չէ, և եթե չբռնեմ, անպայման կվորչեմ»: Ես դադարում եմ մրգերին նայելուց, որ քաղմել են շոկայի բոլոր սեղաններին, ոնց որ Թանգարանում: Մտածում եմ՝ գնելու, վաճառելու Թանկ ու էժանի և այն մասին, որ պետք է շատ բան փոխել: Մտածում եմ հրելու, Թարթիչներին նստած փողու և Թանկ խնձորների մասին:

Մայրիկը կաղամբ է գնում, պղպեղ, կանաչի:

— Մայրիկ, ինչո՞ւ կլորը գնեցիր:

— Սուրը կծու է:

Ականջներս անսովոր աղմուկից հոգնեցին, ես էլ, որովհետեւ առողջանալուց հետո առաջին անգամ եմ այդքան մարդ տեսնում, որոնց Թարթիչներին մեղմ ձյան տեղ փողի էր բաղմել: Այդքան խնձորներ, որոնք Թանկ են, աղմկողներ, որոնք առնում ու տալիս են: Հովողներ, որոնք ստիպված են ուրիշներին հրելու:

Խորհելով այդ մասին՝ հագիվ էի հասնում մայրիկին: Ես մոտենալով կառչել էի կաղամբով ու կանաչիով լի պայուսակից և աշխատում էի ետ շմնալ: Իսկ մայրիկը չէր էլ մտածում փողոց ծանրացած կոպերի մատին, այլ պարզապես ուզում էր շոտ հասնել տոմս, ճաշ եփել: Հայրիկի հիվանդանալուց հետո մայրիկը ժամանակ շունի մտածելու առաջ շարժվող մարդկանց մասին՝ եփեղն էլ մայրիկի շարժումն է:

— Զե՞ս հոգնեցի:

— Դու հոգնե՞լ ես,— հարցիս հարցով պատասխանում է մայրիկը:

— Պետք է հասնել,— ավելացնում եմ:

Պետք է հասնել:

Տարօրինակ կերպով նորից եմ մտածում քայլելու, շուշանալու, շոկայի պես կոտակված մարդկանց ու հրողների մասին: Մտածում եմ աղմուկի մասին. ինձ թվում է շատ մարդիկ կան, որոնք աղմկում են, որոնք հրում են, որոնք խանգարում են երթևեկությանը, որոնք թանկ խնձորներ են վաճառում:

— Մայրիկ,— քղափում եմ:

— Ի՞նչ, Արամ ջան,— զարմանում է մայրիկս: Լուում եմ:

Ցուրտ է փողոցում, և մենք շտապում ենք:

— Հասանք,— ասաց մայրիկը:

— Քաղցած եմ, մայրիկ:

— Մարդ շուկայում հոգնում է, տանը կհանգստանաս,— ասաց մայրիկը:

Երկար ժամանակ ես տարված էի շախմատով՝ թագավոր, ձի բառերը գլխիցս դուրս չէին դալիս: Ես թողել էի ֆուտբոլը, նկարելը և կարգին սովորելը:

— Տղաս, ամեն ինչ լավ է, բացի հիմնականից:

— Ի՞նչն է հիմնականը, մայրիկ:

— Կարգին սովորելը:

— Մայրիկ, ես միայն սովորելով եմ դբաղված:

— Կարգին մարդ դառնալու համար հարկավոր է մի քիչ փվաբանություն, մի քիչ նկար, մի քիչ էլ երդ ու լեզու իմանալ:

Ինչու մի քիչ պիտեմ ամեն ինչից:

Իմ ամենամեծ բարեկամը Մայրիկն է, իսկ ամենամեծ ընկերը՝ Կյուրուսը: Ընդ հս նրանցից պոկ չեմ գա, մինչև չիմանամ ամեն ինչ:

ՂՂՈՐՈՐՈՒՄ Լեւոն ինչ երբեք չես իմանա:

ԱՐՎԱՐՄ Ինչ, ինչքան որ հասցնեմ:

ՊԵՏԱՌԱՅՈՒՆ ՏԱՄԵՐՈՐԴ

ԽԱՆԿՈՒԹՅՈՒՆ

Ես ժողովրդի հաշիվով էի գնում, իսկ տատս տարիների ընթացքում հաշիվ էր Երևում էր մի ճամփա, մեկ էլ ցորենի արատ Լեյլ ճամփով համարյա ամեն օր ուղիղ գնում, այդ ճամփով ետ Լեյլի գոյիս ես ու տատիկը: Ես էինք գալիս, նստում ճամփեզրի վերջին ծառի տակ, որի մոտ աղբյուր կար, մեկ էլ քարե նստարան: Տատս իջեցնում էր ուսի ծանրոցը, մի կուշտ խմում, հետո էլ աչքերը հառում արտեզրին ձողաված հորիզոնին:

— Լեւոն հակասե՛լ, — ասում էր:

Ես չպիտեի՝ չու՛րք, ծառը, ճամփա՞ն, թե ա՞րտը:

Ես նայում էի տատիկա կնճռոտված ձեռքերին, ճամփեզրի այդ վերջին ծառին, որի տակ աղբյուր կար, մեկ էլ քարե նստարան, և ոչինչ նստած տատս կարող էր ժամերով խորհել: Տատիկա ձեռքերը նման էին արմատները բաց այդ ծառին, որն ամուր գրկել էր հողը, քարը, ջուրը:

— Ինչո՞ւ է ծառը մենակ, տատիկ:

— Մենակ չէ, բալա՛ս, նստարան կա, դիմացը ցորենի արոտ, որի սիրուց կանաչում, ջահելանում է ամեն գարնան։

Բայց և այնպես ես գիտեմ, որ ծառը շուտով լրիվ կչորանա, մինչև կդա մի մարդ, վառելիքի համար կտանի։

Մենք համարյա ամեն օր հանդ էինք դնում, քաղում էինք սառի կանաչի, կեսը մենք էինք ուտում, կեսն էլ տանում, վաճառում էինք կապոցներով։ Առավոտ ծեփին արևի շողերի հետ տնից դուրս գալիս, իրիկունը շողերի փախուստի հետ լիքը շալակով ետ էինք գալիս։ Տառս տեքում էր բեռի տակ։

— Զհասա՛նք... — ասում էր կեսճամփին։

Տատիս խղճում էի և ուզում էի շփալ այդ ճամփով, որը երկարում, երկարում, մեզ շուկա էր տանում՝ ինձ, տատիս, մեկ էլ կապոցով սարի կանաչին։

— Տատի՛, այս ճամփից գզվել եմ։

— էս ճամփեն մեր պատերն են գցել, տղաս, — ասում էր տատս, ու նստում արտեզրին՝ ցորենի ծփանքը շոյում էր մազերը։

— Տատի՛, մի քիչ ցորեն շխանձե՛նք..., — հասկերից հոտ քաշելով ասում էի ես։ Տառս խորամանկ ժպտում էր։

Ես ուրախ-ուրախ պոկոտում էի մի երկու բուռ ցորեն, տատս խանձում էր ճամփեզրին նստած, վերջին հատիկ լուցկիով։

Ես նայում էի խանձվող ցորենին ու՝

— Տատի՛, շատ ես պառավել։

Ազնիվ խոսք, ես չէի հասկանում, որ դրանից վիրավորվում է իմ քարի տատը, նա դադարում էր խանձել խուրճը՝ մինչև հասկի ցորենն էլ այրվում էր՝ մի քիչ այրելով տատիս մատները։

— Պառավել եմ, տղա՛ս, այրվել եմ այս ցորենի պես։
Քթի տակ ինչ-որ մոռացված եղանակ դնդնալով, հանդիմանանքով շարժելով գլուխը՝ հատիկները բացում էր բոխ մեջ, թեփը փչում, ցորենը լցնում իմ պարզած ափը։ Նա նայում էր ինձ, խանձված հատիկներին, ու գողում էր ձեռքը։

— Տատի՛, ինչո՞ւ այս ճամփան շուկա է տանում, գլուղից քաղաք։

Տատս մտածում էր, որ հորիներ արտասովոր մի պատմովթյուն, իսկ հեռվից հանդարտ, փողու հետ խաղաղով՝ գալիս էին մի փոքրիկ ավանակ, մեկ էլ ածղահա մի ծերուկ։ Մարդը նստած էր կենդանու վրա, իսկ ոտքերը անտարբեր հետքեր էին թողնում ճամփի փողու մեջ։

Մոռացած խանձած ցորենը, արտն ու ծառը՝ ես հարցնում էի.

— Տատի, բա մեղք չէ՞...

Ծերուկն ու ավանակը մոտենում էին, ծերուկը չիքուխը հանում էր բերանից ու գոռում.

— էդ ի՞նչ եք անում, բա ամոթ չէ՞...

Ես չէի հասկանում, թե ինչն է ամոթ։

Տատիս կնճռուոված ձեռքերը դողում էին ու թափում էր բոխ վերջին ցորենը, որ կորչում էր ճամփեզրի փողու մեջ։

— Փնթփնթան ծերուկ,— ասում էր տեղից բարձրանալով,— գնանք, քալաս...

Հեռանում էինք, իսկ առանց մեզ մնացած ցորենի արտը ծփում էր ինքն իր ու աշխարհի համար։

Ավանակը չէր գոռում, ծերուկը շարունակում էր փնթփնթալ.

— Հազար անգամ ասել եմ...

Խոռված գնում էինք։

— Տատի, փնջո՞ւ էր ծերոսկը...

— Ավանակներին հեծնում են, թալաս, նրանք էլ հողին են նայում, որ գտնեն ճշմարտությունը: Ու դեռ չեն գտել, որովհետև հողը գաղտնիքներ ունի:

Աշխարհը լիքն է տատիկներով, ցորենի ծփացող արտերով, երգող ջրերով ու ցորենի հատիկներով, որոնք աճում են հողում, այնտեղ էլ մեռնելու համար:

«Աշխարհը նման չէ ցորենի հատիկին, տատիկ, և շատ փոքր է մարդու համար, — տատիա շիրիմի փոշին մաքրելով միտք եմ անում»:

Իսկ այն ժամանակ շփտեի, որ մեր թավի խնձորը, կյանքը, ցորենի հատիկը համարյա կլոր են, և համարյա բոլորի մեջ գոնե մի կտոր արև կա:

* * *

ԱՐԱՄ — Գլորո՛ւս, բարեկամ, դու փոքր էս մարդու համար:

ԳԼՈՐՈՒՍ — Ես հող ունեմ, որ մարդու ոտք չի կպել:

ԱՐԱՄ — Գլորուս, տիրելիս, ես կարոտել եմ գյուղը, ես ուզում եմ լսել մի փոքրիկ սողայի, որ ապրում է գյուղում, նա իմ մորաքրոջ սղան է:

ՊԱՏՄՈՒԹՅՈՒՆ ՏԱՍՆՄԵՆԵՐՈՐԻ

ԱՐԱՅԻԿԸ

— Շո՛ւտ արա, հորթը տա՛ր, մեղք է:

Քնաթաթախ հագնում եմ շորերս՝ բարձրաձայն անիծելով բոլոր հորթերին ու կանաչ մարգագետինները:

Բոբիկ ոտքերով, Չալիկին գցած իմ առաջ՝ նեղլիկ, կանաչ կաժանով գնում ենք: Նստում եմ կանաչ հողաթմբին, մտա-

ծում եմ բոլոր կանաչ թմբերի ու փուռերի սմասին, որոնք երբեք եկել են։ Ոտքերս այնքան են տաքանում, որ մտքերս մոռանալով՝ հանուշից բունս տանում է։ Ննջելիս մտածում եմ աշխարհի մասին, որն այնքան տաք ու փոքր է՝ մեր տան ու դպրոցի պես։ Մտածում եմ բոլոր լերայինների ու Չալիկների մասին, որոնք ցողաթափա քայլում են մարգագետնով։

Հետո շոյում եմ Չալիկի փայլուն մազերը, զգուշացնում, որ շատ արածի և թթիս տակ երգում եմ՝

— Թյո՛ւ, փուշ է, անիծված...

— Լերայիկ ջան, շո՛ւտ արա, ճաշը սառավ։

— Ուռաւա՛ւ, սառաւ, հիմա էլ սառած կուտեմ։

— Լերայիկ ջան, դասերդ մնացին։

Ուսելուց հետո մոռանում եմ, որ աշխարհում փշեր կան։ Դիրք կարդալիս հանկարծ աչքովս են ընկնում մայրիկի արծաթված մազերը...

Մեր թաղում մեկ էլ սպիտակ են Փառանձեմ տատիկի մազերը, որի փոքր աղջկա տարիքին է մայրիկը։

— Լերայիկ ջան, շո՛ւտ արա, ուշացանք։

Ձեռք-ձեռքի տալիս ընկնում ենք մեր ճամփան, ուր տարին բոլոր ցիխ է։ Կարծում եմ միամին դեռ շատ կքայլենք՝ մինչև ցիխը չորանա։ Դպրոցը փայլում է արևի շողերից, կարծես սերմնացանք լույս է ցանել կոմիտասի տանիքին։

Ես մտնում եմ դասարան, իսկ մայրիկը ուսուցչանոց։ Հետո դպրոցական գանգը՝ կախարդական սուլոցի պես...

Ներս է մտնում բոլորի համար ընկեր, իսկ ինձ համար հերմակ մազերով մայրիկը։ Ես մայրիկին երբեք ընկեր Աստվծի չեմ ստել։

Որքան շատ եմ լսում դասը, այնքան ապելի եմ հասկանում, թե ինչու են ճերմակել մազերը:

— Արայիկ ջան, գնա՛ տուն, Չալիկին կրեբես, ճուտիկներին կուտ կտաս, վառարանը կվառես՝ մինչև տետրերն ուղղեմ ու գամ:

Գեռ լավ է, որ Չալիկը չի փախել, կուշտ կերել է: Թոկից քոնած, մեջքը շոյելով՝ բերում եմ:

Ասում են իմ տարիքի մի աղջիկ տեսնում է պատից այն կողմ և կարդում այնտեղ գրված ամեն ինչ, ա՛յ, մարդ եմ ասել, իսկ ես մի հասարակ կոճի խաղալու մեջ էլ վարպետ չեմ:

Երբ կոճին ուզում եմ գցել, հեռվում երևում է մայրիկը: Ես վազում եմ տուն: Գնում եմ, որ իմ պատճառով էլ չսպիտակի մի մազը:

Մտնելով տուն, հոգնած ասում է՝ բալիկ ջան, թեյը տա՛ք է:

Բացելով տաք թեյամանի կափարիչը, ժպտում է:

«Մեծանամ, անպայման բժիշկ կդառնամ, որ դեղ հնարեմ, այնպիսի մի դեղ, որ մազերը չսպիտակեն»:

Երբ այդ ասում եմ, մայրիկը ծիծաղում է:

Իսկ ես այնպես եմ ուզում շուտ մեծանալ...



Մի օր էլ, երբ Չալիկին բերում էի տուն, ոտքս դեմ առավ մի փայլուն բանի, վերցրի և ի՞նչ...

Թալիսման, այսինքն իմ լեզվով՝ բախտ: Այ, ես հիմա ցույց կտամ Շալիկին ու Վալիկին՝ նրանք շատ են պարծենում իրենց կոճիներով:

Մտածեցի ու գնացի:

— Էդ ինչ է որ, մաման դրանից լավն ունի,— ասաց Վալիկը փայլեցնելով մկան աչքերը: Շալիկը նախանձոտ նայեց ու լռեց:

Շատախոս Վալիկի ու լռակյաց Շալիկի մոտից հեռացա այնպիսի մի քայլվածքով, որ կարծես քախտ էի տանում իմ փոքրիկ գրպանով: Մայրիկը տեսավ նոր գտած թալիսմանը:

— Ո՞վ տվեց...

Ես չհասկացա ինչ է կատարվում: Տեսնելով մայրիկի գունատ ու դողացող ձեռքերը՝ դուռը փաց արի և ոչինչ չհասկանալով՝ շարտեցի այն:

— Մենք ուրիշ թալիսման կգնենք:

Ուզեցի գլխով անել, բայց ինձ թվաց՝ ես կորցրել եմ իմ նոր գտած ու իսկական քախտի կեսը:

Ես պատրաստ էի իմ փոքրիկ ուժով շարդելու անփութ թորեն կորցնողի գլուխը: Այդ մասին ուզում էի գոռալ, ուզում էի իմանա մայրիկը, բայց էլի լռում էի. ամենակարևոր տեղերում ես Վալիկի նման միշտ լռում եմ: Պառկում եմ քնելու՝ կորած ու կորչող թալիսմանները ծաղրանքով ծղումը ունենալով եմ իմ առաջ:

«Ապասնք, առավոտյան կարթնանամ, ցույց կտամ բուրդիդ,— ձեռք եմ թափ տալիս անտեսանելի թշնամիներդիս,— ցույց կտամ անփութությունն նետած թալիսմանների, սպիտակած մազերի ու փուշ մտած ոտքերիս համար, կտեսնե՞ք...»

Ապրես, Արայիկ, դու նման չես Բենոյին, դու իսկական իմ մորաքրոջ տղան ես:

ԱՐԱՄ — Տեսնո՞ւմ ես:

ԳԼՈՐՈՒՄ — Տեսա՛մ:

ԱՐԱՄ — Ես ուզում եմ Արայիկին երջանկացնես:

ԳԼՈՐՈՒՄ — Ես չեմ տնօրինում մարդկային երջանկությունը:

Երեկո է. մի տեսակ հոգնած ու մտազբաղ եմ:

ԳԼՈՐՈՒՄ — Ինչո՞ւ ես կտկտացնում, քանի՞ անգամ եմ ասել:

ԱՐԱՄ — Իսկ ի՞նչ անեմ:

Գլոբուսը ներողամտորեն ժպտում է

ԳԼՈՐՈՒՄ — Լա՛վ, զրուցիր:

ԱՐԱՄ — Դու ուրա՞խ ես իմ բարեկամությունք:

ԳԼՈՐՈՒՄ — Եթե մորաքույրդ ինձ ջգերե՞ր տուն, ես անգործությունից չգիտեմ ինչ կանեի... Ես երախտապարտ եմ քեզ:

ԱՐԱՄ — Դե լավ, միացիր, Արայիկը թող մի քիչ էլ պատմի իր կյանքից:

ՊԱՏՄՈՒԹՅՈՒՆ ՏԱՍՆԵՐԿՈՒԵՐՈՐԴ

ԷԼԻՋԸ

— Գործ անողը չի մրսի, — ասում է մայրիկն ու գնում բոստան:

Ես տխրում եմ, և իմ ձեռքից մեկ-մեկ ընկնում են քարկլտիկի քարերը:

Իմ ոտքերն սոմուր են. գյուղում քայլելուց կարող եմ մըրցանակ շահել:

Էլիզը փոքր աղջիկ է, քարածերպերին է մեծացել, խմել

Քեչրդանի ջրից ու ճկուն է քարայծի պես: Ես նրա մասին հակառակ կարծիքին կրիննի, եթե նա լորտու չբռնեք: Հիմա տխուր եմ, որովհետև էլիզբ հաղթել է ինձ, քոնել է լորտու, լեզու ցույց տալով. գնացել է լայն-լայն՝ փեշերի հետ խաղացնելով լորտունի պոչը: Այս քանի օրն էլ խնձոր չի բերում իրենց այգուց, ասում է՝ խակ է:

Բոստանից գալիս է մայրիկը, նրա ոտքերը հողոտ են, բուկից է արել:

— Ինչո՞ւ ես տխրել, — հարցնում է:

Հոգնած է, հոգատար հարցը նեղացած է հնչում:

— Էլիզն ինձնից շուտ բռնեց լորտու, — միանգամից ասում եմ ես:

Ասելուց հետո ինձ թվում է՝ մի հեկտար բուկից եմ պրել:

— Երբ լորտուն թպրտում էր էլիզի բռի մեջ, ես ուզում էի ծեծել նրան:

Էլիզն ու ես հողի պես ենք բարևում ծեզր բացվելիս, այսինքն լուռ:

— Ամեն օր, ուր էլ գնամ, էլիզը պարծենում է:

— Մեծ տղա ես, ընկել ես լորտունների հետևից, — հանդիմանում է մայրիկը:

— Որովհետև լորտունն օձ է, բայց թույն չունի, էլիզից բարի է, — արդարանում եմ ես:

Ուզում եմ ասել հարցը լորտու բռնելու մեջ չէ...

— Լավ, էլիզին կասեմ հետո ընկերություն անի:

Մայրիկը գնում է, իսկ հետը բերած բոստանի անուշ հոտը մնում է ինձ մոտ:

Ծաղկած կարտոֆիլին նայելով, ուզում եմ կանչել՝

— Բուկիցն ուշացել է...



Զեմ կանչում, մտածում եմ, տեսնում եմ արևոտ մի աշ-
խարհ, գյուղը բլրի վրա, ներքևում մի լիճ, նալակ կա ըն-
մեջ, եղեգներ, բլրի մյուս կողմում ոչխարի հոտն է արա-
ծում՝ բամբակից ճերմակ են, իսկ լորտու չկա քարերի մեջ:
Էլիզը նստած է բլրի գլխին: Ես հուզված մոտենում եմ, ձեռ-
քիս ճերմակ մեխակը մեկնում նրան, ափիս մեջ մեխակից
արև է ծնվում: Երբ էլիզը նայում է՝ աչքերի մեջ փայլվում
է իմ ափի արևը:

— Վերցրու, քեզ համար եմ բերել,— ասում եմ:

Հրաշքի պես մի մեծ, մի կլոր արև ճոճվում է գյուղի
գլխին:

— Ես կընդունեմ խոնավ հողը,— ասում է արևը:

Կարմրում եմ էլիզին ասելու համար: Զեռք-ձեռքի տված
մենք գիտենք՝ արևը երբեք չի խաբի՝ նա տաք է, վլոր ու
քարի:

Անձրևից տխրափած նայում եմ իմ ձեռքին, ու էլիզի
մատների տեղ թորիսի պոչն եմ տեսնում բռիս մեջ:

Իսկ գլխավերև միալա՛ր, մշտակա՛ն... անձրևը:

Ակամջներին մեջ մայրիկի խոտքերը՝ գործ անողը չի
մրսի:

Անձրևը կտրվում է, և ծիածանը պսակ է կազմում գյուղի
գլխին, միմիջարում է:

Ես հաստատ քայլերով գնում եմ. դեպի կարտոֆիլները:

Ու երբ հողի մեջ մեռնում է անձրևի վերջին կաթիլը, իմ
ձեռքի թորվալ թաց հողից չի ծանրանում բուկից անեկիս:
ԳԼՈՐՈՒՄ — Իսկ դու կարո՞ղ ես բուկից անել:

ԱՐԱՄ — Զփորձեցի, քաղաք եկանք:

ԳԼՈՐՈՒՄ — Լավ գործերը հարկավոր է փորձել:

Ամեն օր խանութից մածոնս եմ գնում և ամեն օր չափ-
րելով ուտում:

Սեթն ու Բենոն ֆուտբոլիստ են ուզում դառնալ և ֆուտ-
բոլի պատճառով կովել են:

Ես ու Գլորիան Կամբերատար ենք, բոլորի պատմու-
թյունն էլ լսում ենք: Ու ես փոխում եմ իմ բոլոր ձգտում-
ները: Ես ուրիշ եմ ուզում դառնալ:

ՊԱՏՄՈՒԹՅՈՒՆ ՏԱՆԵՐԵՔՆՈՐԴ

ԹԵՆՎ ԶՅՈՒՆԸ ԿՈՇՏ ԿՐՈՒՆԿՆԵՐ Է ԴԱՌՆՈՒՄ ՈՏՔԵՐԻՍ ՑԱԿ

Փոքրիկ աղջիկը ծաղիկը տարավ բեմ, երաժիշտ Կարիկը
շփոթվեց ու մեղքով կանգնեց դեպի դահլիճ: Նա վերցրեց
ծաղիկն ու... այդ օրվանից որոշեցի Կարիկի պես ժպտալ: Եվ
նույնիսկ շնորհակալություն էի ասում ամեն ոտքս տրորողի,
իսկ նրանք շքմած նայում էին: Հետո որոշեցի արտիստ
դառնալ՝ չնայած այդ ոչ մի կապ չունեի ոտք տրորելու հետ:
Ես թատերական խումբ դրվեցի, անստույման ուզում էի խա-
ղալ «Ռոմանտիկները» պիեսում:

— Դու շատ բան ես ուզում,— ասաց Գևորգ՝ մատը դնե-
լով քթին: Արդեն մեկ տարի էր նա այդ խմբի անդամ էր և
թե՛ս նայում էր մեծ դերասանի պես:

— Դու նստիր, տղաս,— արևոտ մի օր ասաց թատերա-
կան խմբի դասատուն: Այդ օրը ես նստեցի, ահա այսպես, և
նստած եմ:

Այս երեք ամիսների ընթացքում ես հասցրի նայել բոլորին, և տեսա, որ Վոլոդյան բարձրահասակ է և ամեն փնջ բարձրածայն է անում, համարյա գողալով, Անժիկը ուղում է տպավորութուն թողնելու համար ձայնը կեղծել, թեև իննայի աչքերը գեղեցիկ են, բայց միշտ երգե-



լով է ասում ամեն ինչ, իսկ ժիրիկը... ժիրիկի մասին բռնում եմ: Ծա պարզապես նրա ամեն մի շարժումից փշաքաղվում եմ, թեև դասատուն արգելել է՝ լարված թյուն պետք չէ դերասանին, ասելով: Ծա չգիտեմ ո՞ւմ, և ինչո՞ւ... Բայց հաստատ գիտեմ, որ ասում եմ, և մի օր այդ մասին կպատմեմ բոլորին: Ծա տանել չեմ կարող «պատանի» և «սկսնակ» բառերը: Իմ ինչ գործն է, թե աշխարհում շատ մեծ դերասաններ կան, ու ես ոչ մի օր էլ նրանց չեմ հասնի: Թատերական խմբի դասատուն ինձ ասում է՝ մի օր դերասան կդառնաս, որովհետև սրտումդ էլ կա, գլխումդ էլ: Իսկ ես գիտեմ, որ չեմ դառնա: Նստած տեղս այնքան նայեցի Գևորգին, որ հիվանդացավ: Որպեսզի հիմարություն չանեմ, ու գնամ նրան տեսուժչան՝ գնացի թատրոն: Թատրոն գնում եմ այն օրերին, երբ սիրտս նեղվում է. համարյա ուրախ էի, որ Գեվորդը հիվանդ է, և որ փորձը հենց այսօր են հետաձգել: Խաղում էին «Սրտի արատ»: Ծա ոչ մի անգամ չեմ հաշտվում այն մտքի հետ, որ խելոք, տարիքով մարդիկ կարող են այդպիսի բաներ խաղալ: Իմ սրտի հետ չէր բռնում նրանց սրտի արատը:

Եթե կյանքում չինձ հաջողվի դերասան դառնալ, ինչպես հավատացնում է մեր դասատուն, ևս որոշել եմ այդպիսի դերեր չխաղալ: Ծա որսես պատանի և սկսնակ դերասան, ուզում եմ, որ բոլոր թատերական խմբերի դասատուները հաշվի առնեն նույն դերը կատարող երկու դերասանին էլ: Ծա ուզում եմ, որ բոլոր խմբերի խաղացանկից հանվեն «Սրտի արատի» պես պիեսները:

Ծա քայլում ու մտածում էի ասուլիների մասին, ամենաշատը իմ աստղի, որ եթե կախվի երկնքից, ևս մեծ դերասան

կդառնամ ժերար Ֆիլիպի, Օլիվիեի պես: Ես գիտեմ, ինձ նըման շատ տղաներ կան, որոնք ուզում են լավ մալդ դառնալ, բայց նրանց էլ ինձ նման չի հաջողվում:

Ճիշտ է, ես բարձրահասակ չեմ, բայց գիտեմ ամեն ինչ, ինչ պետք է այդ դերին. նախ երգել գիտեմ, գրխիվայր շըրջվելու մեջ մի հատ եմ, ձայնս չեմ վեղծում, իսկ աչքերիս մառին ասում են, որ միայն ես կարող եմ այդպիսի աչքեր ունենալ: Ես հախլիսծ եմ նաև կարծելու, որ պարզապէս բախտս չի բանում դերասանության մեջ, և որ ինձ անպայման բախտի մի առանձնահատուկ աստղ է պետք:

Գևորգ թեև առողջացել է, բայց փորձերը չեն վերսկսում, որովհետև հիմա էլ դասատուն է հիվանդացել:

Գնացի հիվանդանոց: Դասատուն նայեց ինձ և ասաց.

— Դու կիսադաս բալիկ ջան, հավատա:

— Շնորհակալություն,— ասացի ու ամաչեցի:

— Դու, երևում է, լավ տղա ես,— վերջում ասաց նա:

— Շնորհակալություն:

Երբ դուրս եկա և հանձնեցի ինձնից մեծ խալաթը՝ քրտնել էի: Իսկ ճանապարհին ինձ հանդիպեց երաժիշտ Կարիկը:

— Ո՛ւր...

— Տուն:

— Ասում են՝ դերասան ես ուզում դառնալ:

Ամաչեցի այն բանի համար, որ միշտ ինձ այդպես են դիմում, բայց դեռ ոչ մի դերում չեն տեսել: Ես նրան ցուցաբերում ասացի:

Իսկ տանը Գևորգի ու իմ դերի պես այնքան եմ գրխիվայր վառվել, որ գլուխս ծածկվել է կոշտ ուղեղով, երգելուց էլ

ձայնս խզվել է, իսկ ձմեռը կոշտ կրունկներ է դարձել ոտ-
քերիս տակ:

Այի խոտքով, ես էլ բան չթողեցի, պարապեցի. իմ տարիքի
բոլոր տղաները ամեն ինչ ոսգում են դառնալ:

ՊԱՏՄԱՌԹՅՈՒՆ ՏԱՍՆՋՈՐՍԵՐՈՐԻ

ԱՐԱՅԻԿԻ ՆԱՄԱԿԸ

«Ամեն ինչ անցավ, մնացինք ձմեռը, իմ շնիկն ու ես:
Մեզ մոտ միմյուր ձյան գալը անձրևում էր՝ կարծես երկնքից
մի բան պետք է ընկնի: Անձրևն էլ էր մարմանդ իջնում,
ձյունն էլ: Ես մարմանդ դպրոց եմ գնում, նույն կերպ սովոր-
ում դասերս, նույն կերպ ետ գալիս: Անհանգիստն իմ որ-
սորդական շոմեն է միայն, որը համարյա երեք ամսական է,
բայց որսի չի գնացել: Շնիկիս մի ամիս առաջ եմ գտել: Նրս-
տել էր ծառի տակ ու թաթն էր լիզում: Մոտ գնացի և չգիտեմ
ինչու, որոշեցի «Ցանտոմաս» կոչել: Նա ոտքից գլուխ սև էր,
միայն աչքերն էին փայլում էլիզի աչքերի պես:

— Ցանտոմա՛ս, Ցանտո՛ւ, մո՛տ եկ:

Եկավ: Այդ օրվանից մտերմացանք:

Երբ ձյուն է գալիս Ցանտոյի վրա, նրա մորթին փայլում է:
Հիմա էլ նստած է կողքիս և նայում է, թե ինչպես եմ նա-
մակ գրում:

— Արայիկից ու Ցանտոմասից՝ բարեններ, լավ է, չէ՞,
Ցանտո:

Գլխով է անում:

— Շարունակենք:



Ես պարապում եմ աշխարհագրութիւն, քարձրածայն կարդում եմ քնախոսզութիւն: Մենք որողել ենք ամառը որսի գընալ, եթե դու էլ համաձայն ես, գրիր:

Ինչպես միշտ, մայրիկն աշխատանքի է, մենք մենակ ենք տանը:

Մենք սպասում ենք քո պատասխանին՝ ես ու Յանտոն:

Քեզ միշտ հարգող, քո մորաքրոջ տղա Արայիկ:

Կարդացի ու հուզվեցի: Դուան զանգը ինձ սթափեցրեց,

փոստատարը նորից նամակ բերեց, այս անգամ Նոմոնշից:
Ես համարյա մոռացել էի նրան:

«Բարե Արամ, ես շատ լավ եմ, է՛լ «քարկտիկ» չեմ խա-
ղում, ոչ էլ «արև-արև»: Ես շատ եմ մտածել քո ընկեր Բենե-
յի մասին, դու լավն ես: Ես էլ լուրջ եմ և խնամում եմ իմ
փոքրիկ քրոջը, որի անունը Երազիկ է: Նա ճանաչում է քեզ
իմ պատմածներից: Ես մեծ աղջիկ եմ, կարողանում եմ օգնել
մայրիկին, որովհետև մինչև հիմա էլ արևի մեջ միայն նրան
եմ տեսնում: Երբ մենք գանք քաղաք, ես կ'ըմ գեղ մոտ, գի-
տեմ, որ էլ չես կռվի, առաջ շատ կռվարար էիր:

Բարեներով՝ Նոմոնշ»:

Իհարկե չեմ կռվի: Ես արդեն մեծ եմ, Նոմոնշ:

ՊԱՏՄՈՒԹՅՈՒՆ ՎԵՐՋԻՆ

ՉԱՆԳՆԻ ՄԱՍԻՆ

Աշխարհն ամեն մեկի համար մի մեծ զանգ է: Ես էլ արդեն
մեծ եմ և աշխատում եմ կյանքին նայել այնպես, ինչպես
հայրիկը. նա ամուսնացել է զանգերի նկատմամբ:

Քաղաքամերձ ծառերը պտուղների ծանրությունից «խեն-
թացել են»: Հայրիկն է այդպես ասում:

Ջարմանալի կերպով նրա բոլոր ասածները տպավորվում
են գլխումս, և ես խելոքանում եմ:

Զգիտեմ լավ է, թե վատ, բայց զարմանալի օր է: Դասա-
րանները կարմրել են վզկապներից: Շփոթված եմ, ծանոթ աղ-
մոսկները լցվել են ականջներս, ես պատասխանել չեմ կարող
Շուշանին ու Սեթին. նրանք մեծացել և ուրիշ են դարձել: Գի-
տեմ, որ նրանք այս ամառը սարսափելի լավ են անցկացրել՝

անտառներում, սարերում, ճամբարներում կամ տատիկների մոտ: Ես դեռ գլխի չեմ ընկել՝ իմ ամառվա որսը լավ էր, թե վատ, բայց Ֆանտոն լավ շուն էր, իսկ Նոմնուշի քույրիկը՝ իսկական Երազիկ: Հիշողությունս պոկելով նրանից, աղմուկից ջոկեցի դասն սկսելու զանգը: Երբ ուսուցչուհին ներս մտավ՝ ես մի բան գլխի ընկա: Ես այդ ոչ ոքի պատմել չեմ կարող, նույնիսկ դժվարանում եմ ինքս ինձ պատմել աշխարհում իմ իմացած զանգեղի, վերջի ու սկզբի՝ զանգի մասին, ընդ որ նրանք համարյա ճակատագրական նշանակություն ունեն:

Ես առաջին անգամ զանգ լսել եմ մեր գյուղի եկեղեցում՝ թվում էր երկնքից է գալիս ձայնը և անտես մի ձեռք խփում, հա խփում է դրանք ինձ, մայրիկիս ու հայրիկիս համար: Ես աչքերով էի լսում:

Ռա շատ փոխեց զանգերի մասին ունեցած իմ կարծիքը: Հետո էլի զանգեր ու զանգիկներ լսեցի, բայց եկեղեցումը մնաց իմ մեջ որպես անկրկնելի իրողություն ու հուշ:

Երկրորդ զանգը կախված էր հովվի ձիու վզից և մեկ աջ էր զնգում, մեկ ձախ: Ես շատ երազեցի այդ զանգակավոր ձիուն նստած նախիր քջել, բայց... մասնկությունս եկավ քաղաք: Բազմապիսի ու բազում ձայներ լսեցի քաղաքում, որոնք խառնվել էին. տրամվայր զնգում էր, ֆորժարանը զնգում էր, մեր տան հեռախոսը զնգում էր, մեր դռնը հյուր գալիս զնգում էր, Արամ, վեր կաց, Արամ, ուշացար, Արամ, զգուշ, Արամ, գուռը բաց արա, Արամ, տես ո՞վ է:

Իմ մեջ ծնվել է այն զգացողությունը, որ զանգը ինչ-որ բանի սկիզբ է, կամ ինչ-որ բանի վերջ: Ես այդ սկզբի ու

վերջի, կամ վերջի ու սկզբի պատմությունն է, որ ուզում եմ անել:

Մեծանալուց առաջ և մեծանալուս ընթացքում ես շատ զաւեգեր լսեցի, դրանք իմ մեջ արթնացրին աշխարհ հասկացողությունը, որ այն միշտ զանգով է սկսում:

Հետո դպրոցն ինձ համար ամենալուրջ զանգն էր: Տարիներ առաջ, երբ մենք եկանք, ամառը լցվել էր ամեն ինչի մեջ ու ամեն տեղ: Այն լցվեց նաև մեր դպրոցը, և փակվեց ուսումնական տարին: Մենք ծաղկեփնջեր տվինք ավարտողներին, նրանք բոլորն էլ մեծ աղջիկներ էին և միմյանց գրկած լաց էին լինում: Ես հետաքրքրութունից կամեցա մեծ լինել, բայց ընկեր Դեղեցիկը ձեռքս քոնած տարավ: Մուտքի մոտ սպասում էի աղջիկներին, որ նվիրեմ ձեռքիս բացիկը:

Նրա վրա գրել էի. «Թանկագին շրջանավարտ, այս տարվա սկզբին Դուք ինձ ողջունեցիք առաջին զանգի համար, իսկ հիմա ես եմ Ձեզ շնորհավորում վերջին զանգի համար: Տըխրում եմ, որ Ձեզ համար դպրոցի զանգը վերջանում է: Դուք իմ վերջն եք, և ես տիրում եմ ձեզ»: Ինձ թվում էր հայրիկի օգնությամբ գրած այս բացիկը աշխարհի ամենամեծ ստեղծագործությունն էր: Ես համոզված էի դրանում: Այն ժամանակ վերջին անգամ արեւը գետնին քսվելով մտավ ամերիկա մեջ ու շողափեց բացիկը, նա ինձ հետ համաձայն էր: Հնչեց հուզմունքից դողացող ու հարգած զանգը: Ես այլևս չմտածեցի և չհասկացելիք ինչ-որ բան տարա ինձ հետ: Դա սկզբի ու վերջի կապն էր: Կարծում էի, որ քիչ-քիչ կհասկանամ զանգերի պատմությունը, այն, որ հայրիկը մեծացել ու մոռացել է, որ մի օր էլ ես պետք է մոռանամ, որովհետև ես էլ պետք է մեծանամ:



Այդ ինչ-որ բանը մտել էր իմ մեջ օր-օրին և հասկացրել,
որ էլ անհոգ երեխա չեմ:

Հիմա զանգերը շարունակվում են, և ես չեմ ուզում, որ
լատի զանգերը վերջանան կյանքում:

Այս մասին կողքենայի պատմել Շոշանին, որի հետ
կողք-կողքի նստել ենք նույն նստարանին.

— Ինչո՞ւ չես նստում, Արա՛մ,— ես հասկացա, որ դասի
սկզբից կանգնած եմ մնացել:

Ես գլխի ընկա, թե ինչու բոլորը ժիծաղեցին, միայն գըլ-
խի չընկա, թե ինչու ես չեմ ժիծաղում:

Այսօր քանիներորդ սեպտեմբերի մեկն է, և ես զարմանալի
շփոթված եմ:

ԳԼՈՐՈՒՄՆ ՈՒ ՏՂԱՆ

ԳԼՈՐՈՒՄ — Ես քանի՞ տարեկան եմ, տղա:

ԱՐԱՄ — Մփլիհարդ:

ԳԼՈՐՈՒՄ — Ճիշտ է:

ԱՐԱՄ — Ի՞նչն է ճիշտ:

ԳԼՈՐՈՒՄ — Որ գնալու ժամանակն է:

ԱՐԱՄ — Ո՞ւր:

ԳԼՈՐՈՒՄ — Կեղևս փոխելու:

ԱՐԱՄ — Գնա՛, բայց թող:

ԳԼՈՐՈՒՄ — Ի՞նչ թողնեմ:

ԱՐԱՄ — Բոլորը:

ԳԼՈՐՈՒՄ — Նրանք իմ մեջ են, բայց ես նրանց մեջ չեմ

ԱՐԱՄ — Բա որտե՞ղ ես:

ԳԼՈՐՈՒՄ — Ես թղթից սարքած ու ներկած մի գոնդ եմ:

ԱՐԱՄ — Ամեն ինչ էլ թղթից է սարքած:

ԳԼՈՐՈՒՄ — Ո՛չ ամեն ինչ:

ԱՐԱՄ — Գնաս բարով, գլորուս, մենք գտանք իրար:

ԳԼՈՐՈՒՄ — Մնաս բարով, տղա՛ս, կորցնելուց հետո գտանք:

ԱՐԱՄ — Կյանքում այդպես է:

Հեռանալիս գլորուսի միջից դուրս եկան Նոնուշը, Զրաշուշանը, ընկեր Գեղեցիկը, Արայիկը, մորաքույր Աստղիկը, Բենոն, Նաստյան, Թորթիկը:

Քանի գնաց՝ գլորուսը փոքրացավ, մարդիկ մեծացան, քանի գնաց՝ գլորուսը հեռացավ՝ մարդիկ մոտ եկան: Երբ գլորուսը դարձավ հագիս Նշմարլող մի կիտ, հասկացա, որ կարգին մեծացել եմ: Իսկ գլորուսը գնում է կեղևը փոխելու՝ աշխարհը շատ է հնացել: Ես կամաց շնչացի՝

— Գնաս բարով:

Գնացողներին վախենում են ուրիշ բան մաղթել:

Ես կանգնեցի ճանապարհի եզրին:

— Երբ կյանք մտնեմ՝ կհասկանամ ինչու եկար, ինչու գնացիր: Հետո շուտ եկա ու քայլեցի:

Ես դիտեի, որ ժամանակը հաշտեցնում և տոմորեցնում է ամեն ինչ:

Ջանդերն սկսեցին զնգզնգալ և հիշեցնել լնջ-որ տկիզքներ ու վերջեր:

— Ինչ մեզ լավ լսիր, տղա՛ս, և ջոկիր քոնը:

Ես գնում եմ իմ զանգը որոնելու, որ արևի մեջ է, Նունո՛ւ... Զրաշուշանի, «արվեստագետ» Բենոյի, վիեանամցի փոքրիկների, Արայիկի, կոմբայնի, Նաստյայի, հենամկների, ճամփորդելու, շուկայի, թանկ ու էժանի, կորած թալիսմանի, էլիզի, ծաղկող Թորթիկի ու համաբուժյան մեջ է:

Երբ գտնեմ իմ զանգը, կպատասխանեմ ձեզ, թե ինչու մեծերըն ի՛նչ ելեհաաների նման են... և կգրեմ իմ հետադարձ հասցեն:

Գլորուսը	3
Պատմություն առաջին Մենք գյուղում	4
Պատմություն երկրորդ Շուշանը	7
Պատմություն երրորդ «Արվեստագետը»	11
Պատմություն չորրորդ Ես գիտեմ, որ ամենաշուտն այսօր եմ հասնելու տուն	17
Պատմություն հինգերորդ Մի բուռ ցորեն	21
Պատմություն վեցերորդ Նաստյան	25
Պատմություն յոթերորդ Հայրիկն ասաց, կոշիկները պետք չեն	29
Պատմություն ութերորդ Հայերենի իմ դասը՝ պատանի ծաղկողի մասին	33
Պատմություն իններորդ Շուկայից հետո հանգիստ է պետք	37
Պատմություն տասներորդ Մանկությունս	40
Պատմություն տասնմեկերորդ Արայիկը	43
Պատմություն տասներկուերորդ Էլիզը	47
Պատմություն տասներեքերորդ Թեև ձյունը կոշտ կրունկներ է դառնում ոտքերիս տակ	51
Պատմություն տասնչորսերորդ Արայիկի նամակը	55
Պատմություն վերջին Զանգերի մասին	57

Զուլիեա Ավետիքի Մատենյան

Գլոբուսն ու տղան

Միջին և բարձր տարիքի դպրոցականների համար

Խմբագիր՝ Ս. Ա. Վարդանյան
Նկարիչ՝ Ա. Ա. Հայկազյան
Գեղ. խմբագիր՝ Զ. Ն. Գասպարյան
Տեխ. խմբագիր՝ Ալ. Հ. Մարգարյան
Էներգետիկ սրբագրիչ՝ Վ. Ս. Գևորգյան

Հանձնված է արտադրության 26/IV 1973 թ.

Ստորագրված է տպագրության 13/XI 1973 թ.

Թուղթ տպագրական № 2, $70 \times 108^{1/32}$, տպագ. 2,0 մամ. = 2,8 պայմ. մամ.,
Պատվեր 990, ՎՖ 08274 Տպաքանակ՝ 10 000, Գինը՝ 6 կ.

«Հայաստան» հրատարակչություն, Երևան—9, Տեղյան 91,

ՀՍՍՀ Մինիստրների սովետի հրատարակչությունների, պոլիգրաֆիայի և
գրքի առևտրի գործերի պետական կոմիտեի Հակոբ Մեղապարտի անվան
աշխրհաֆիկոմրինատ, Երևան—9, Տեղյան 91,